


三才藻異



AE
4
T8
1689
v. 12

植物而器物名者
植物而動物名者

三才藻異

古董屠粹忠芝巖著

江夏弟 沂艾山校

植物而器物名者

天符葉

生鎔山葉如荔枝而長有紋如蟲蝕篆或謂劉真人仙跡○柳葉蝕公孫病已

公孫留名○真人留訣帝乎仙乎若合符節

地錦草

生滁州作蔓遍地莖赤葉青紅花細實一云葉如鴨掌

青女飛鳧○鍼神繡鳳○大塊迴文○征夫入夢○

綺帳

芙蓉也。

蜀錦輕裁。吳鍼細續。風動帳開。美人睡足。

青燈

御瓜名。大如三斗魁。

是青門五色之傳燈。非漢宮五侯之傳蠟。

樹頭酒

緬甸貝樹。高五六丈。實如椰子。取汁成酒。竹葉春。椒花雨。皆酒名。

竊竹葉春。含椒花雨。不壓吳姬。先嘗毛女。

車下李

郁李也。子如櫻桃。又名雀李。

擲果無日。御李何年。整冠不避。納履須嫌。

馬金囊

紫檳榔也產廣狀類白荳蔻塗惡瘡甚效食少許飲水甚甘

陸賈歸鞭于囊不匱飲水知甘見金思媿

烏籃擔

野菜譜名烏大也荒年採食

嗷嗷中澤采采盈筐悲傷襁褓負戴郎當

有襁褓鳥

金鉤梨

枳椇也葉如栢子如珊瑚屈曲不伸味甘名木蜜能敗酒鳩化金鉤飛入懷

枝不伸杯莫巡何年同鳩化飛入快哉亭

梨名快果

銅鼓草

出廣西其實如瓜

磨風有色擊雨無譁不堪潛鶴聊可驚蛇

土鼓藤

長春藤也子如碧珠小兒取藤打地作鼓聲○姜撫勸公宗服此不效

策藤擊壤樂在其中○欺君姜撫鳴鼓而攻○

水網藻

靈池有藻枝橫倒生長九尺如網結鳧鴨入之不得出

在藻則樂○入網者危○誰開一面○出沒鳧鷖○

寶鼎香

薑黃也根葉類鬱金夏花爛無子根黃屈類薑

金可鑄色○香亦通神○桂薑比性○魑魅潛形○

闌路錦

鐵幹海棠也花紅幹黑一名貼梗

爛復爛○今齊奴步障○旦復旦○今玉奴睡暢○

石崇名齊奴

風車兒

茜草也。名過山龍。馬鈞造翻車灌園。

占箕久染綬新地。欲埋龍角草。思識馬均。

羅幌子

出廣西。狀如橄欖。其皮七層。橫州出者。九層。夏熟。味如栗。

翠幕朱幃。九重深鎖。彷彿南威。名橄欖。龍綃腹裏。

裙兒帶

羹豆也。延綬名紫羅帶。

吾聞撒豆而得嬌娥。珍茲裙帶如菜根何。

扇子仙

南海蘇氏園幽勝。廣主與李蟾妃微行。憇酌綠蕉林。大書葉名此。

揮羽渙汗。積翠成陰。風招蟬翼。月醉蟾心。

金罍

安石榴也。兩浙避錢鏐名改此。

石煉丹成金。渾玉碎打破沙鍋。衣珠在內。

玉甌

花如梔子而大。

香露飛來瓊漿滿。貯欲借一甌雲英何處。

鬼鍼

方莖子著衣如鍼。僧千靈與鬼爭山誓。能飲鍼者留。摩羅什娶婦吞鍼服衆。

神鍼刺繡鬼鍼刺空老僧吞却不許牽紅。

薛夜來號鍼神。

鬼筆

名揭車香草也。茵類生陰處。頭如筆。紫色。名朝生暮落花。

頽兔朝生董狐暮拾分香特書求車絕筆。

寶相花

有紅粉白三種

七寶莊嚴三春組織非相非非色空色色

膏瓊膏粟

出背明國質如玉滑如膏食之骨輕多

玉液黃梁瓊漿白屋安在飛鳧必由辟穀

敗醬

苦蕒也花黃根紫採嫩作食有陳醬氣治

康伯

名醬曰類我岐伯曰顧我穀伯曰且腹我

唐毬

山楂也三月開白花實赤秋熟治腰

幾度腰伸半酣睡色拋弄堯天輝煌舜日

青囊

出契丹城如金燈花色類藍。○胡麻亦名此。○東坡賜金蓮炬送歸院。

囊懸白日燈照黃昏與歸蓮炬曷飯桃源。

黃環

凌泉草也。葉黃而圓。子似皂莢。投水魚死。名狼跋子。

其胡狼跋其殃魚及除却孽根銜環釣笠。

香蓋

菴羅果也。葉似茶。實如鵝梨。果中極品。夏熟。出安南。○菴羅梵語清淨也。

了鼻舌緣入波羅毼出衆香國證無上果。

羅蜜果有波

玉札

地榆也。名玉鼓。初生在地。子紫黑如鼓。根可釀酒。道方燒灰能爛石。餌之長壽。

吐筆下意通天下情贈白下鼓答若下春。

酒名

榼藤

名象莖子三年一熟紫黑如卵貯丹不壞治蠱痔生嶺南○李泌謔榼是麻姑餽酒

大客滋蔓丁公

名藤盤桓麻姑不謔小道可觀用果老事

綿棗

出伊陽似菰而色白可食饑歲多賴

剥棗烹葵思衣得食救彼飢腸藉此綿力

玉藥

瓊花也生唐昌觀中花如瓊林有仙女至花下謂黃冠者曰玉峯之期自此行矣

黃冠難期白詩堪借羣玉山頭瑤臺月下

金松

產台州條如蜀柳子如碧珠三年子一熟每歲續生一年者綠二年者碧三年者紅

金母煉丹木公弄術藏衣有珠染衣無汁

放杖木

樹如木天蓼老人服之一月放杖又有放杖竹徐鳳杖每年盈縮開花

杖竹得鳳擲竹得龍何如養木穩步花宮

費長房杖成龍

挂劍松

建昌冷水觀盤屈奇古名壽松許真人常挂劍於此

添鶴算挂魚腸攀枝懷季札掀顙憶旌陽

季札挂劍徐墓

八角盤

旱荷也

承露何舒望霓何窘惜舞八風不登九品

十樣錦

枝頭亂葉有紅紫黃綠四色即鴈來紅之類名臨秋變

芸錦六宮花箋十絕組織三秋風流二薛

薛濤薛靈芸也

臘脂梅

漢修上林苑羣臣獻此

萬點猩唇一聲鶴笛飛燕倚欄六官無色

瑪瑙茶

黃紅白粉爲心大紅爲盤產溫郡又有紅白寶珠茶舜時瑪瑙甕貯甘露

恍如甘露甕捧出藥珠宮司馬渴借一鍾

宮粉茶

有正宮粉賽宮粉二種漢侍中皆傳脂粉

龍女

白姿龍消也粉豔長笑漢宮粧爭比何家宴

闍一作庸

闍衣柰

烏哀國有紫柰大如升甜如蜜核紫花青研汁如漆著衣難浣植上林

惡文之著惡紫之奪君欲澣衣臣將鑽核

馬鞭草

穗似之、葉似狼牙、花似凌霄、又名鳳頸草

蒲鞭何辱竹馬何親民風猶草帝德如春

龍舟花

產廣州

木蘭友沙棠昆堪凌洛妃襪難招楚客魂

試劍竹

名箴箴、葉薄而廣、趙處女精劍術

舞空有術剖石無痕不師處女豈學公孫

大娘

聚寶竹

張愿船漂遇岸伐竹歸、倭客售之曰此寶伽山竹立竿巨浸諸寶自至

山靈挺節海若輸藏所欲與聚誰為梯航

環珮竹

卽凝波竹紫枝綠葉堅如玉花如榴聲如珮實如蓮飛燕服之體輕成帝名此

个○个○牽○紅○亭○亭○結○綠○飄○飄○御○風○聲○聲○鳴○玉○

瑯玕樹

謝元卿遇仙見丹柯碧葉五音叩節卽此也玕有五色

五○色○柯○凝○五○音○節○聚○瑤○島○琪○花○謝○家○玉○樹○

百尺杵

人蔓也年深生四極各五葉中心生一莖名此根如人形者神

人○形○難○得○玉○杵○安○求○莫○誇○肘○後○且○慎○竿○頭○

一寸金

狀如鳳毛跌傷者酒服之杜願嗜韭亦呼此

俾○折○肱○堪○懸○肘○得○點○越○人○手○勝○供○杜○郎○口○

掃帚雞冠

以高為佳、一名纓絡雞冠

立談窗下擁筆階前落花漫掃留待醉眠

扇面雞冠

以矮為趣、俱以撒子之高下為準也

鵲冠鶴羽搖曳斜曛何妨借爾扇枕驅蚊

千金菜

蒿苳也、即胡麻、有紫白二種、葉用燒煉、筍備方物、種來外國、酬使厚故名

流飯桃源剪蔬漆室洞口千年春宵一刻

三珠樹

生赤水上、樹類栢、葉皆為珠、王勃昆仲號此

雲澤

珠名披襟風聲觸目三島連珠一家昆玉

冷飯團

土茯苓也。葉如菝葜，根如薯蕷，名仙遺糧。言禹行山采此克糧，以棄其餘。

介無完股。禹有餘糧，爲傷寒食，留待熱腸。

風膏藥

出廣西。葉如冬青，治頭目昏眩。

賣風伯笑盲醫。人將除瞋眩，天欲起瘡痍。

水晶榴

一種子白瑩澈如水晶，味甘。

晶宮分種海，使攜莖迄今。玉粒猶滿金罍。

榴名。

寶珠榴

大紅千葉，花圓如珠。

珠焚身花奪目，美漢使留丹。笑齊奴換綠。

綠珠也。

粉團花

麻葉花開先而邊紫者為最白即繡毬花也唐宮午日射粉團

嬌○遮○紈○扇○唇○點○脂○衣○六○宮○不○射○三○徑○長○披○

金絲桃

花如桃心有黃鬚鋪散若金絲

不○解○牽○紅○調○金○陌○上○欲○賦○于○歸○終○成○謔○浪○

枕頭瓜

冬瓜也

形○可○枕○流○質○非○埋○圃○未○足○冬○三○休○誇○色○五○

有青門五色瓜

淨淨餅蕉

花六出根出土時肥飽如膽餅也

一○斗○壯○膽○六○出○禪○心○綠○天○居○士○西○方○美○人○

紫金藤

山甘草也。甘草名國老。

蘿薜儔刀圭質國老未調羹山人難却疾

碧玉草

虎鬚草也。龍鬚少而瓢實此粗而瓢虛。吳人織以為席。

惟勁節可奪席捋得虎口鬚完得連城壁

寒

青裳

夜合樹也。樹似梧葉似槐至暮合互結風來輒解能觸忿。嵇康植於庭又名合歡。

歡可合憂可忘迎風思解佩對月憶縫裳

紫袍

生信州春葉夏花如金錢色紫治喉。武后命梁公以紫袍賭三思集翠裘勝禡之。

喉舌司天綆纒棄地敢附狄梁直禡集翠

繡墩草

見淮安志

明月坐殷輕風拂悄留待王孫評花課鳥

旌節花

出漢源縣琉璃城如旌節道士王桃枝攜子種之須臾爛熳仙種也

枝挺瑠璃花垂干羽不執貞臣宜簪淑女

海金沙

竹園莢也採暴乾以紙襯擊取沙利小腸

敲金乎斷金則利矣搏沙乎含沙則毒矣

蜮名含沙

水蠟燭

如蘆花能止血

傳蠟江臯焚蘭春夜烟冷漢宮光分蘆舍

仰盆

生東陽苗似承露仙根圓如仰盆子大如雞卵

如承仙掌如鼓蒙園仰固不愧覆亦何冤

方蓋

防葵也生少室葉似葵一莖三葉花白如葱根似防風辟鬼通氣名農果

少室神莖先農品味向日也防風法天象地

攀倒甌

生宜州莖葉如薄荷解風熱

觀此塵甌憶彼萊蕪墮地不顧無愧丈夫甌化丈夫

破故紙

補骨脂也

竭爾殘膏填我伐髓所慮難調人情如紙

文筆樹

周惠疇之先隴有樹如筆盛則出中書舍人少衰其人即死已三見矣

青烏葉葉

小鳳書中翩翩頂摩古弼筆公柯夢江淹

車輪菜

茅苜也名馬舄牛舌蝦蟆衣好生道旁牛馬跡中

蹈爾轍視爾舌誰復馬蹄疾猶憶牛衣泣

一枝箭

石蒜也一名老鴉蒜劍春根如蒜

中非沒石影亦含沙縱難落鴈猶恐驚鴉

百兩金

苗高三尺葉似荔秋花碧色實如荳牡丹名鼠姑百兩金

莫欺草色不及花容鼠姑百兩同嫁春風

詰多珠

卽靈光荳、日林國獻、如菴荳、和石菖蒲煮、大如鵝卵、啖一丸不飢。

一丸不飢九節可變天若雨珠多多益善

優曇鉢

生肇慶、不花而實、狀如盧橘、云葉似芭蕉。

曇未成花蕉還迷葉托鉢優婆盧家風骨

玉版筍

產贛江、白鷺洲。

鷺爲班龍作宅起孤竹君之子分圭剖璧

金莖花

花如蛺蝶、風過飛舞、婦採餽、諺曰、不帶金莖花、不得入仙家、一名黃蝴蝶、

僊掌動舞頭纏分明金布地錯認玉飛錢蝶也

蠟珠

含桃之黃而白者，又名鶯桃。

金羽含丹瑛，盤賜閤黃白。藏珠青紫嚼，蠟

御帶

枝長花密如帶。達奚武爲大司寇，庫有

書紳草野贈珮，楓宸莫愁三褫，竊笑萬釘

鬼涼傘

芝草黑色，名石灰頭，味辣。山中松下雨後出。

此豈鬼蜮亦有炎涼死灰槁木寶蓋華幢

鬼燈檠

山慈姑也，狀似之，名朱姑。

朱姑夜繡山魅窺櫺，分光鄰婦乞火流螢

縑絲花

花葉俱似玫瑰，而色淺紫，無香有刺，至煮繭時花盡放。

孟婆

也風

浴繭月姊牽絲三眠地錦一軸天機

玫瑰花

有黃紫二種，黃者名酴醾，紫名此，可作簪。玫瑰，火齊珠也。

解佩迎風借袍贈日曲徑珠圍山人玉食

鼓子花

旋菑也，花不作瓣，如軍中鼓子形，名天劍，色微藍。

擊無聲催有意笑壓帽花奴泣裸衣鼓吏

餅子桃

狀如香餅，味甘。正月廿四以紅縷繫煎餅置屋上，謂補天穿。

天穿可補人面

有人面桃

難齊餘桃恃愛畫餅克飢

念珠桃

產汀州核如菩提子外國種也可作念珠每核雕羅漢五六精甚

身似菩提味豈甘露一入空門輪迴可度

送書桃

即李光桃熟則子露出

劉郎歸杳仙姝夢通憑誰魚鴈花信春風

迎輦花

外紫內素粉蘂紅心幹翠類通草香甚嗅令不睡得之嵩山獻湯帝命持寶兒

紫袖風迎香車月弄纔命寶兒又呼來夢

隋宮人

挾劍莖

出背明國形如人挾劍橫斜而生

吐白虹

劍也

愁白露看爾舞三更聽誰吟七步

木筆

辛夷也。花如蓮葉如筆。○古弼稱筆頭公

○柳○公○正○心○古○公○正○色○辟○公○右○文○木○公○珥○筆○

玉環

蓮花名。○太真小字此

出○污○不○染○志○在○西○方○蓬○萊○有○信○不○寄○三○郎○

刀劍衣

蘆蕨也。武侯屯軍植此

枕○戈○待○旦○畜○衆○療○飢○軍○中○挾○纊○豈○曰○無○衣○

優鉢羅

出西域五百年一開。葉六瓣。花九房。多異香。無實

香○既○優○葩○亦○異○此○中○可○傳○真○其○間○有○名○世○

古貝

木綿也。殷紅如錦，類山茶，名班子花。實如杯，中如綿，可作布。

貝錦萋菲。古道如棄，戀戀綈袍，故人出涕。

倚扇

蕙蒲也。堯時生於厨，狀如蓬根，如絲，轉而成風，殺蠅。王者孝治，則生。

蒲葵不用樊棘，何從司饗？化日扇枕，同風。

紫珠

紫荆也。花紫，子如小珠，或云田氏荆也。有白茄色三種，名火蟻。

珠璣吐青，紫垂豈懷棠棣，茂不借鵲鵲栖。

綠錢

苔蘚也。

春風買笑，幽徑添妍。千金一刻，不惜青錢。

酒杯藤

大如臂，葉似葛，花堅可酌酒，實味如荳蔻，食消宿醉，張騫得其種于大宛。

能消鹽背

酒也。堪挂鳩頭，曾攜星使，不渡雲遊。

有渡杯僧

碎米柴

草名，治癰，三月採，可作蓋。

寧○拾○薪○寧○脫○栗○笑○舐○痔○吮○癰○師○斷○虀○畫○粥○

懸鉤子

山莓也，生江淮，莖上有刺如鉤子，如梅酸，食之醒酒。

灑○酒○臨○風○藏○鉤○戲○月○車○左○流○涎○道○旁○止○渴○

櫓呂子

出廣西，大如盃，數十房攢聚成毬，冬生夏熟，破瓣食甘。

乘○風○鼓○枻○帶○月○拋○毬○參○差○籬○舍○點○綴○漁○舟○

醍醐菜

草似牛皮蔓，春之有汁，如酪可飲，葉似道人頭。

無酒可酤。采菲作供。野鳥提壺。道人浴甕。

用王老事。

瑠璃草

產南雄機山，食可已風。上林苑有瑠璃樹。

反風弄壁。映日迎楣。獨憐上苑。不借枝栖。

水銀草

治眼昏。

爐中物。眼前看。與求汞。死術曷覓草。還丹。

蔓金苔

晉梁國獻色如金大如卵。投水蔓延，光出照日。置室著衣如火。名夜月苔。

獻夜月。敵朝霞。詔金馬。曰毋使蔓難圖也。

挂劍草

生張秋徐君墓旁其葉一橫一倚形似負劍可療心疾季札挂劍徐空

竊許魚腸歸酬馬鬣一日心交千叢氣協

洗鍋羅

絲瓜也老則筋絲羅織又名天羅地瓜紡線

火宅深根繭絲鞅掌脫得天羅難逃地網

紫背金盤

苗高一尺葉背紫無花可制汞

擎露堆金披霞煉汞草野栽培天家供奉

夜落金錢

梁時外國進花朵如錢魚弘賭賽謂得花勝得錢卽此一名子午花

子午正氣金錫芳容目空鵝眼心羨魚弘

草龍珠帳

僧曇雲植葡萄高數仞。蔭十丈。仰觀若帷。

偈曰。翠繞珠圍。不夜天。梅妻鶴子。可同眠。

草禹餘糧

名自然穀。根如蠶連綴。皮白肉赤。食不飢。輕身不睡。傳禹棄糧所化。

棄固偶然。產亦自然。飢可怡然。吾無間然。

碧筒杯

鄭魏公慤率賓佐避暑。取荷葉盛酒。刺葉與柄通。屈莖如象鼻。傳吸之。

截擎雨蓋。作吸露盤。蓮可鼻捉。柳不眉攢。

紅麻線

雲南稱名。幹細如線。有紅白二種。

一線之微。萬箱之繫。主伯牽紅。寡婦均利。

側金盞

出桂林花如小黃葵葉似槿與梅同開飲中睡毗者為狂花目睡者為病葉

非○狂○花○非○病○葉○半○傾○醉○東○風○四○顧○邀○明○月○

酒名

挂金燈

草本結子如燈薄衣為罩內包紅子如龍眼可玩名紅娘子花

非○蓮○炬○賜○歸○夫○學○士○則○衣○珠○解○佩○於○江○妃○

金紗羅

似薔薇花單瓣而大紅艷奪目

青○女○豔○紅○女○嗟○疑○把○機○窗○織○剪○作○隋○宮○花○

鐵掃帚

荔草也可為馬刷子葉如薤

掃○彼○烟○塵○如○錦○如○雲○拂○我○身○心○如○錫○如○金○

旗子草

光啓元年河中解草葉自相交結如旗旌之狀

海雲未掣。野草先協。爲報東風。一月三捷。

骰子楠

出西番馬湖紋理縱橫中有山水人物者貴名骰栢

奪彩吟風。呼盧醉月。梗楠千章。輸君一擲。

水晶葱

出吉安語曰寧食三斗葱莫逢屈突通以其勤政也

冰可招。玉可比。寧逢屈突。莫縮侯思止。

號縮葱侍郎

米篩花

一名碎米雪無香三月開

止堪灑落。不可簌揚。天有積雪。地有餘糧。

木榔槌

下二種皆糯稻名俱產四明

築我場圃既堅既好爲此春酒既醉既飽

犁索辯

一犁雨千斯倉索綯亟乘屋酌兕躋公堂

老僧帽

牡丹名見薛鳳翔譜○僧帶說法者謂毘盧帽

說毘盧法現富貴身消春風恨栽淨土根

道士簪

烏笋之小而肥嫩者煮熟乾之酒品也

美鳥角

巾也

乞黃冠抽簪歸鑑曲把臂促杯乾

弓袋袖

蛾眉豈也形似之

好畫眉乎好大袖爾惡影杯乎惡泣釜爾

真珠傘

五代時汪華僭號與妻巡行張一真珠傘驟風吹入雲落地生草綴珠名此

滴露凝珠乘風偃蓋草澤英雄古今成敗

石鹽木

木之至堅重者宋提舉茶鹽石端義性殘忍每捕官吏輒以此木柳之故名

質雖重用在人寧為寒骨白

單雄毋為彌尾青大信槍柳

念珠樹

產大理每穗實百八昔李賢者寓主婦難產摘一枚使吞之見掌中擎出

脫胎中厄獲掌上璣三千根蒂百八牟尼珠也

竹筴菜

葉似竹節、踈弱不起、開小花淡藍、採爲茹

秉○君○子○節○克○博○士○賜○个○中○味○淡○分○外○根○香○

衣鉢蓮

產滇地、花大如盤、千葉、葉分三色、紅紫白線、荷名仙人花、鳳翼花

塵○根○已○淨○色○界○未○空○招○仙○附○鳳○留○僧○參○龍○

白珠蓮

漢昭遊柳池、有白芙蕖大如斗、香聞十里、實如珠、種來自西洋、白名大士蓮

大○士○散○纓○絡○君○子○吐○珠○璣○供○帝○玩○傲○天○池○

陳搏有

黃金茄

狀似檳榔、色金黃、食之即絕命、出瓊州

交○多○爲○金○深○人○多○爲○金○死○君○不○見○崑○崙○紫○

茄名崑崙紫、瓜

三才圖會
葫蘆竹

出德化節如葫蘆

依樣畫折節從點頭噓學士攜手憶壺公

如意草

葉似如意人食之瓦礫皆化可長生○
羅公遠折竹枝變玉如意

揮豈可談變亦非寶與木石居同天地老

垣衣

苔生牆陰者名此

我懷衣被君善陰行請遺天下率土同春

沙箸

生海沙中勁可爲酒籌欲採者輕步拔之
聞行聲則縮名塗釵

借君箸爲君籌與失入寧出與過勁寧柔

石帆

狀如栢、生海嶼、草類、黑紫色、梗大如筍、柯如鐵、枯浮水中。

得脫紅塵甘隨白浪布帆錦帆問誰無恙

玉屑

厥藤花如碎玉。人遊嵩山見裹飯云是修月玉屑。漢武仙掌承露和玉屑飲。

如碎玉亦難嘗得餌修月飯何須承露漿

丹砂草

石長生也、葉似蕨、細如龍鬚、不凋、高尺餘、治百邪。

大椿難得石芝可收稚川如識勾漏何求

色綾木

產臺山、理如綾紋、可作枕。綾有竹根柿蒂名。

爲柿蒂文爲竹根質侍我衾裯七襄終日

玉虛飯

龍腦花也

玉石任土○龍德乘乾○民無疾首○天亦加餐○

三尸酒

安石榴也○能醉三尸○道家呼此○

挹○珠○露○貯○金○罍○飲○千○日○醉○三○彭○樂○我○庚○申○

仙人帽

燒灰地上○經秋雨生菌○重臺者名此○治

丹鼎難尋○劫灰易料○帶雨抽簪○迎風落帽○

道士裙

昆布也○海藻之屬○無味○出定海○僧謙

笑○鶴○客○美○羊○欣○老○僧○何○所○願○鼈○長○兩○重○裙○

羊欣練裙

白鼓釘

地丁也、四時皆有、寒天可食、

一腔花鼓。四序陽春。擊康衢壤。拔眼中釘。

赤箭脂

天麻也、苗如芍藥、莖如箭子、如荳根、如王瓜、蜜食、強腰膝、

子泣萁莖。帶鏃不借。定天山。亦堪補人腹。

琥珀孫

松脂也、琥珀名、江珠、

青牛白羊。耕牧世守。積厚流光。珠璣吐秀。

茯苓化白羊

金鈕子

羅定果、

含秋思。鎖春心。欲杜調金手。須防擲果輪。

吉祥杵

桔梗也。杵神名細腰。

不焚細腰漫圖寬理視履考祥勿藥有喜

娑羅綿

生黎州大合抱先花後葉夏開花藥有綿善政鬱茂違時枯凋肉齒僧靈跡

縱關化跡亦有慧根召棠勿剪范袴常溫

玉紅草

生赤縣洲為崑崙之墟食一實醉臥三百歲草有龍鬚虎齒

紅雲可釀玉山可倒龍鬚不攀虎齒同老

王母虎齒

鉤綠子

形如瓜皮似檀香甚肉厚鏤花鳥蜜漬大秦國貢帝賜王愷助珍味以誇石崇

鏤形異物助臂珍厨非誇金谷將釣綠珠

玉繡毬

花白如毬。喬知之妾碧玉，武二思借教歌舞不還，喬貽以綠珠，怨玉見慟卒。

拋日影泣露痕為憐碧玉怨長斷綠珠魂

花初開如綠珠

金鉢盂

似金沙羅而花小，夾瓣如甌，紅鮮可玩。

有金布地無鉢參龍當雨法雨而風春風

火毬

柿名

踢鞠風前輝煌月下七絕文章千秋聲價

柿有七絕

水簾

萍也

不愁暮捲常恨風吹六郎容貌簾下偷窺

席箕草

名塞蘆生北地。王建席箕簾詩。單于不敢南牧馬。席箕遍滿天山下。

三箭已定一枕何求蘆花塞月相對忘憂

金銀藤

通靈草也。花開黃白二色。薛瓊能種銀。婁敬能種金。

婁敬試丹薛瓊弄術黃白天成生生不息

天王鐵塔

屋遊草也。高尺餘。望如松。名鐵腳婆羅門。

煖鍊星霜玲瓏草萊

葉與天爲徒比戶而戴

西王母杖

枸杞也。根名地骨皮。朱孺子掘根如犬食之仙去。

雲謠難答地骨誰餐孺子可教扶杖而觀

荷包牡丹

花色如秋海棠，狀如荷包，葉如牡丹，根即當歸。

名鄰傾國巧奪女紅包藏秋色賣弄春風

線串牡丹

草本花如珠，藕色黃心，一梗串垂，葉類芍藥。

和却鍼吞天然一線微笑沈香欣看撒殿

珠也

鈴兒海棠

一名朝冠海棠，花如鈴，色紫，木本叢生。

振鐸輕風淋鈴淒雨彷彿護花也鈴低徊解語

垂絲海棠

類櫻桃花，粉紅垂英，嬌豔。

牽者紅扶者綠漫道醉已闌誰知睡未足

磬口蠟梅

經接而花疎開時含口者是。魯饑以玉磬告糴於齊。

寄春有意擊雨無心饑難告糴韻可調琴

李勉琴名韻磬

銀盤磨菇

出五臺山大如盤味美

不滅不生是空是色大地山河和盤托出

蓮鐵線蓮

西番蓮也枝繁如鐵線不凋花久參差色碧法華山石匣藏一童舌吐青蓮

金剛質籬落扶花吐青童舌絲牽碧眼胡

金彈橘

橘種子若彈丸色金紅費仙橘皮畫

爾挾彈孰援弓摘來難畫鶴擲去亦驚鴻

鐵樹花

產瓊州、遇丁卯年乃花、開如瑞香、屢月不凋、高五六尺、幹葉紫黑、花紅、

鐵藥可開鐵舟可渡何常守株不可待免

珠子栢

實如珠、生葉上、李德裕平泉莊有此

實佩江臯幹貞新甫何泣平泉不還合浦

連珠

山丹也、四月開紅花、莖葉似百合、治驚邪

解珮姝歟貫珠叟歟其烟客之賣丹者歟

有仙名賣丹者

搖車

大巢荳也、

閱牆可戒覆巢可虞泣煎中釜不鑒前輿

僧鞋菊

花如僧鞋，又若尼帽，色藍，與菊同開。花內有雙鸞並首，又名雙鸞菊，根即附子。

落帽枝聯

同鞋秋老月下乘鸞

姑也。僧妻也。梵嫂也。

翁婆履

梧桐樹上結子，小纖葉也。

丰韻猶存韶光無幾，豈是秋娘臨風賣履。

書帶草

鄭康成教授不其山下，生草如薤葉，長尺餘，堅韌。

因花悟性，隨草識名，道不下帶，書請諸紳。

連錢荇

漢宮太乙池有此，荇如錢。

荇香可採，銅臭何須參差太乙，出沒雙魚。

錢名。

繒菜

出萊州海中石上、莖如繒、長尺許、色青白、

飢○可○茹○我○將○攀○爾○鬚○寒○可○衣○誰○將○棄○爾○繻○繻、繒采色、

鉤藤

莖有刺若鉤、中空可吸酒、治兒驚、

有○筠○節○無○棘○心○雞○翁○名藤長○抱○甕○豚○子○漫○敲○鉞○

千鍼草

青刺薊也、苗高尺餘、葉多刺、花如紅藍、服令肥健、名雞項、

肌○雖○瘠○項○還○强○吾○將○衣○薜○荔○藉○爾○去○縫○裳○

萬箭樹

瀾滄江南、段氏時蒲蠻出沒經此、射樹厭勝、至今鐵如蜎刺、

驚白鷗

名弓避○蒼○鷹○鷗○羽○誇○蠻○穴○烏○號○泣○馬○陵○

博落迴

生江南、葉如草麻、莖空、吹作聲、如博落迴、折有黃汁、藥人立死、治癰瘤、

風迴翠角、腸斷黃沙、無情箏栗、愁出梅花

草鞋片

野草、春仲熟食、

且隨芳草、莫踏紅塵、授履之教、辟穀之根

壺柑

實如石榴、花青、膚粗、枝可久留、董元素術致江陵柑一盒、

枝可留、剖不缺、盒底傲江陵、壺中長日月

鏡柑

閩產

誰把木奴、易名金炯

鏡名、聽鷗聲、留舞鸞影、冥

酒橘

閩產。龍叟對弈，曰：橘中之樂，不減商山。

鶴○畫○當○壚○龍○潛○負○局○商○山○秋○老○洞○庭○春○熟○

橘酒名
洞庭春

金橘

色黃味酸

木○奴○懷○寶○雋○客○也○
橘點金紅兒知味白帝贈貧

青金樹

生影娥池，破皮有屑如金而色青

影○弄○娥○池○光○分○翠○嶂○高○而○多○金○失○之○皮○相○

白銀樹

植上林苑，又有黃銀樹

東○皇○貨○殖○白○撰○枝○鋪○豈○將○濟○困○欲○免○追○呼○

山琵琶

駱谷中毒樹其色明豔與杜鵑似早開殺人嚴武以絃勒足琵琶女

有色妍無聲毒誰知嚴武絃今尚留空谷

地珊瑚

藤本子紅肖珊瑚狀若筆纖下懸不畏霜雪名海風藤產鳳陽

火樹難栽水府堪借傲雪有丹賣風無價

錢葵

錦茄也花大如錢有茄色白粉紅三種

披蜀錦鍊丹鉛難沽挂杖酒好作買山錢

珠麥

名六穀又名玉蜀黍葉似膏粱矮似薏苡苞如樓魚形子顆顆攢簇

五穀可增九曲何貴所以贈舟賢於解珮

老鴉筑籬

草葉如牛蒡而狹子熟時色黑狀如

可漉酒可探湯不佐牛蒡採徒供烏喙糧

牛蒡菜可食

雀兒筍箕

即天落藤盤轉如箕治跌打傷

堪揚箕難挹斗雀既樂盤根鵲應思懸肘

釣釣絲竹

生廣西秋生笋隔年成竹細弱彎如釣

三湘曾約二酉偏辭風邀蓑笠月弔鷓鴣

有鷓鴣

射筒竹

細小長丈餘無節可爲箭筒箭名金

僕姑韜藏越王

竹名指使君子三千會稽之美

符竹

峽州玉泉鬼谷子洞前有叢竹葉有文成符、葉葉不同、佩可辟患

鶴○膝○步○罌○魚○腸○咒○水○雲○母○書○符○龍○公○捉○鬼○

四句皆竹名

罌粟

花有紅白藍紫數種、房如罌子如粟、又名鶯粟、米囊子、錦被花

三○金○曾○樂○百○里○仲○悲○其○如○紅○朽○不○濟○啼○飢○

鐘藤

纏樹即死有惡汁、令速朽、藤大十圍、重可為杖、作席勝于竹、葉可為盤、有落鴈藤

龍○未○闕○鴈○來○賓○驅○鳩○出○喚○雨○招○蝶○入○眠○雲○

鐘龍能闕

甕菜

莖空性寒蔓生、古倫國以甕盛來故名、今編葦作孔、浮水種之、可長數畝

助○鼎○天○苗○編○葦○人○調○吾○將○灌○甕○爾○亦○克○庖○

火炭母

草生南恩州、莖似細蓼、形方白花、實如椒、味甘可食、

莫○附○熱○且○培○根○含○丸○可○教○子○含○飴○可○弄○孫○

椒、各含丸使

布衲子

出桂林、似李而黃、

破○衲○披○風○黃○冠○朝○日○指○姓○則○虛○證○果○則○實○

纓絡栢

栢之垂絲者、嵩山五栢、漢武封大將軍、

旣○膺○帝○錫○胡○倣○梵○粧○灰○心○細○柳○回○首○空○桑○

幅羅草

出賈超山、武帝事仙李少君、取蜃血、虹涎、搗此草、和奇香、燒壇前、百怪出沒、

蜃○虹○弄○術○魑○魅○呈○氛○爭○如○夢○草○

懷此見復覩湘裙、李夫人

紫金蓮

生嵩山法王寺石池，開中秋一月，云神光說法時，從地湧出，移植卽斃。

曇可墮天蓮，可湧地法界金光空門紫氣。

白玉盃

蜀醪醖有三種，一名此，一名出爐銀，一名雲雨紅，香色俱美，蜀人取以造酒。

承露湛酬之瑟玉瓚，擊節歎報之青玉案。

詞名

剪春羅

色紅黃，單瓣，長尺餘，初夏開。

剪綵貽奢，東風不惜二月新絲，傷心刀尺。

剪秋紗

色深紅，高三四尺，秋開，花碎，剪如洛陽花黃者，名金剪羅。

杼軸其空，剪刀未冷，織女停梭，幾回思省。

絡絲白

唐康居國獻金桃大如鵝卵色如金晚熟者謂之過鴈紅早熟者名此

彌子悲桃。墨子悲練。早晚幾何。紅白忽變。

棹線紅

沙果也。來禽種類。歷城志名此。來禽各頻婆果。

巧婦也。牽紅去頻婆。采綠過吾將。鼓柷而歌。

輓轡棗

細腰棗也。孟節含棗核不食五年。

汲孟叟打鄰婦。羞植楚王宮。寧澆漢丈缶。

烽火樹

漢積翠池珊瑚樹一本三柯有四百六十二條南越趙佗所獻夜有光影

積翠凝烟。水火既濟。莫悅婦人同譏幽厲。

漢貢女珊瑚樹

筆管菜

黃精也。名鹿竹。莧竹。久服延年。○隱公營莧裘曰吾將老矣。

刀筆分茅。運籌辟穀。笑彼營莧。同歸夢鹿。

屏風草

防風也。博物志云。太原晉陽化生。○唐太宗錄刺史姓氏於屏。

有意防風。無心障日。刺史觀瞻。美人歎息。

美人屏呼卽下。

金釵花

石斛也。狀如金釵。○周光祿妓月賞一金鳳釵。

雲根舞鳳。月影盤龍。漫誇光祿。見慣司空。

銀包菜

出戎州夏畦。

阿堵人貪。此徒天苗。苜蓿心甘。苞苴計息。

錦帶花

王元之易名海仙。宗測遊見奇花繫歸名百花帶。吐綬鳥名錦帶功曹。

束腰待吐綬招海仙思贈珮宗子欲同袍

玉枕蓆

出嶺外根類芋連根有數十觔者味極甘

根既效鴟蹲心胡懷蝶夢伴眠琴勝抱甕

艾衲

梅上莓苔也東坡詩憑仗幽人收艾衲因香和雨入青苔

莓苔熟福德綿幽人攜滿袖學士賦殘箋

葛巾

牡丹也紫花圓正而富麗如葛巾狀。下皆牡丹

含醉詠帶笑看不漉白衣酒偏彈紫綬冠

九葉珠

千葉紅花中有九葉葉杪有一白點如珠

九曲之貴百兩之將藥珠官畔締媾沉香

七寶冠

千葉樓難開又名八寶旋心

與求富貴曷慕神僊東風解珮北斗彈冠

醉胭脂

千葉樓莖長開頭垂下宜陽大真醉銜玉魚潤肺

魚銜肺潤燕倚妝新恍聞私語若箇淺斟

白纓絡

千葉平頭瓣上如鋸齒又名白剪絨難開

白衣法相滅度花官黃冠國色笑破春風

玉板白

單葉狀如拍板。玉色檀心。錢思公見福延院始識名。

賞客逃禪。玉奴把盞。雪兒調歌。封姨點板。

牡丹名賞客。

硃砂紅

花葉鮮妍。日視之如猩血。出閩氏圃。宋單父能變易牡丹號花師。

春檻漫歸。勾漏不乞。葛翁點丹。花師弄術。

駝褐裘

千葉樓頭。褐色大瓣。

不避風。不畏寒。豈知養生術。且作郭駝看。

駝能避風。

錦被堆

出蜀彭州。似薔薇有刺。稱第一種。

芙蓉帳暖。蝴蝶夢香。神鍼有並國色。無雙。

薛夜來號鍼神。

四面鏡

桃紅有旋瓣

香不磨光，不沒獨自倚闌干。誰來照膽骨。

鏡有照膽照骨

萬卷書

千葉花瓣皆卷筒

曬日翻風石渠天祿莫慮蠹魚却愁銜鹿

紫玉

千葉白瓣中有紅絲紋大尺許。韓重拜紫玉形現而歌。

紅縷雖新白壁如故韓重不來飲風泣露

韃皮帶也

鞋紅

單葉深紅出青州色類腰帶。僕射張齊賢置第西京以駝移其種。

帶分小相香近令君青州素履赤舄紅塵

縷金囊

金線冠子下皆芍藥

玉樓賓天。錦囊棄地。留贈詩人。尋芳拾翠。

擬繡韉

花如鞍子兩邊垂下

問誰壓繡花婢。揚鞭臨風顧盼。一笑嫣然。

聚香絲

紫絲頭

婢子嬌紫衣。謔不抽繭金蠶。豈分香銅雀。

掬香瓊

青心玉版冠子

月在手。香滿衣。越女豔玉奴。肥妬殺花妃。

霓裳紅

先白後紅紅殘又白

舞出蟾宮歸來香閣飲金醉虹還丹返鶴

紫膾盤

四月有雉尾蕓芍藥名焚尾春

焚尾方傾雉尾已老還惜季鷹歸來未早

玉炊餅

名玉覆盆圓頭白花也寧王奪餅師妻後呼見雨泣

玉女覆盆白頭難聚不見餅師泣涕如雨

玉盤盂

白花圓如覆盆下十餘葉盛之如盤一歲南禪資福兩寺最盛易名此

花婢參禪桑門托鉢佛手拈香僊掌解渴

金素

金帶圍

出廣陵、紅葉黃腰而無種、出則城中當有宰相、韓魏公王岐公皆然

天與束腰人將燒尾豈卜金甌花王先擬

玉帶圍

下皆菊名

腰不折傲可親掃徑長留玉開樽更解金金龜也

舊朝服

各相袍紅將袍紅花先殷紅久則淡紫辨初尖後岐萼黃

歸綠野脫紅塵香烟還滿袖紫氣已沾襟

僧衣褐

花小深茶褐色

披開主衲關逸客機誰傳衣鉢迥出藩籬

金絡索

名錦玲瓏金黃千瓣

花色尚中。秋思過半。牽惹詩腸。玲瓏杯案。

玉連環

蓓蕾初淡黃。漸牙紅。既開純白。瓣初仰。後覆葉闊厚有稜。幹高至丈。

黃裙花萼白衣柴桑玉環相對若箇增傷。

太真名玉環

劈破玉

小白花。每瓣有黃紋如線。界之爲二。

誰運魯斤。巧分趙璧。破帝女顏。泣楚人別。

火煉金

花僅寸許。外纖瓣猩紅。中萼金黃。朶垂不變色。開重九前。名銷金菊。

三秋火候。九轉丹成。如可點石。一救呼庚。

黃剪絨

有黃紅紫白四種

帝女裁雲寸絲不亂爲衣爲裳金風待判

白羅衫

名銀繡毬色青白而有光燄瓣有紋中有細夢閑最久

偉素儔清白後一生耐久朋三徑借光友

萬金鈴

正黃色葉有鐸形

玉振金聲霜凌日燦人美花鈴天將木鐸

粉八寶

粉紅千瓣半開時五色俱備大概有始無終

素樸可風鉛華易幻載寶而朝花垂人鑑

紫綬金章

花初黑紫開類腰葫蘆腰處無瓣黃藥繞之簇成毬大如卵各七國爭雄

印纍纍綬若若漫誇七國雄且束三章約

金盞銀臺

外單瓣瑩白中筒瓣鵝黃徑可二寸

冒雨尋黃臨風浮白金碧輝煌杯盤狼籍

琥珀杯

名赤金盤初開紅黃而赤金星浮動後漸作醬色寧州有折腰蜂燒治為珀

蜂腰未採龍血

入地為珀嘗凝寧傾醉令漫渡高僧渡

瑪瑙盤

淡紫赤心千瓣花極豐大舜時貢瑪瑙甕盛甘露

捧出金莖承來玉液隱士所珍天工不惜

檀香毬

色老黃形瓣圓厚開徹齊整

一瓣香心○千秋傲骨○莫錯檀郎○拋風弄月○

銀鈕絲

花初微黃後瑩白體薄開早氣香味甘
瓣如紙撚

嗟爾○纏綿○笑我○落托○繞徑○堆銀○抱甕○如昨○

出谷箋

金紐絲也名黃萬卷花瑩黃開遲高近
丈

金谷不欣○濤井不羨○萬卷東籬○百城南面○

出爐金

名錦芙蓉金紅千瓣色如爐金出火

白撰紅爐○輝煌相映○猶喜東籬○不開捷徑○

三才圖會
卷之
三

紅羅織

有黃紫二種。馮寶妻封石龍夫人戰則錦織。譙國夫人張錦織巡部。

非譙國巡

非石龍戰帝女

也。菊歸來飛鴻也。傘拂面。

紫骨朶

蓓蕾鮮紅。頂如泥金。開早。先紅後紫。徑可二寸半。簇如毬。鹵簿有骨朶。

風霜笑傲。金紫雍容。玉階仙仗。擁出花宮。

呂公袍

烟霞領袖。日月襟期。道人冒雨。寄曬東籬。

楊妃裙

黃裙已逐水。羅襪尚飄霜。籬下血馬上妝。

紫霞觴

花紅厚大、開早、初深紅、稍開即木紅。李適登浮圖、獻菊酒稱壽。

冒雨未尋流霞先挹介壽九重何須七級

瑤井欄

花類金盞銀臺、外瓣圓厚、色白、中筒瓣黃。

瑤臺冷金井寒有客思投轄無詩獨倚闌

金錢菊

花干瓣深黃、僅寸許。

大冶鑪錘東籬會計買斷春光催輸白帝

鐵錢花

七月菊也、開單瓣、其中突起如紫薇花。

一葉落數枝妍不愁鵝眼薄還防兔齒堅

昆明兔能齧鐵

三才圖會
硫黃

色正黃而刺微紅實小以下皆荔枝名○
硫黃名陽侯

陽侯王木黃衣加身火山莫傍恐兆焚林

名山荔枝

結綠

名綠珠實如山榛無核味清熟時實與葉無辯出鳳岡異品也

非晉之珠鄰宋之玉獨立鳳岡並垂金谷

宋玉名結綠

雙髻

每朵數十皆並蒂雙頭○荔有十八娘

爾娘十八髻挽巫雲同心不妬把臂生春

星毬

色紅大者如瓜

天上摘馬上嗟博得宮中笑還疑海上瓜

磨盤

皮粗厚，味甘，大如雞卵，蒂甚平，七月熟。○
唐貢荔從子午谷，七日至，人馬俱斃。

顏何厚，味何甘，想由子午谷，如上磨盤山。

山在滁州。

醋甕

色微黃，味酸，下品也。

鵝兒釀色，螭首攢眉，縱慚木蜜，不笑醞雞。

紫瑤

瑤同瓊。

星毬燦，霞觴招，未敢擬，解佩也可，報投桃。

綠紗

名綠羅袍，味甘。

豈染九烈，亦貢三巴，枝頭栖碧盤，內籠紗。

金鐘

形如鐘皮厚味甘色如硃砂。貴妃生日長生殿奏新曲名荔枝香。

鑠口須防丹心欲吐曲奏長生闕開萬戶

勝畫

皮厚刺織味甘內豐七月熟出長樂者佳。劉崇龜姻舊干財者作荔枝圖與之。

依樣天工寫生人境竊笑崇龜徒克畫餅

錦一
作紅

錦繡鞋

實小而織形如角黍核如丁香味甘傳即十八娘種產枕峯山。

纖纖露角步步生香馬嵬雀履覩此心傷

淨江餅

味甘皮光山荔之最佳者或呼勝江陳。

不灑楊枝不栽淨土消渴文園一餅甘露

真珠

剖之純瓢，圓白如珠，荔之最小者。

一樹蚌胎七朝馬足，欲令解頤難免剖腹。

鑛玉

皮厚味濃，實似金鐘，產閩鳳岡者佳。

採鑛得金，採岡得玉，入口既濃，穿胸不俗。

金釵子

出順德，核小甘香，昔人解金釵得其種，因名，俗呼黑葉。

詩云：片片綠雲，誇壓鬢行行；香露羨抽簪。

鈴當麥

產索淪國，較常麥稍長。孫權饗蜀使，費禕停食餅，索筆作麥賦，稱善。

詩曰：當食每思索，筆賦臨風漫作護花也。鈴看。

玉女幢

木葉細長從根而上皆成層級

影驚鶴步枝闢龍鱗明星

玉女名

寶蓋玉露金莖

金母悅

鬱金也花如紅籃夏採煮爲鬯以酬神侯寧極戲造藥名下二題皆是

馨可薦鬱可舒執悅思青鳥沾巾歎白駒

良醫七首

葶蘆也

非蒲公英等徐氏七笑中有刀誰伐其髓

茅君寶篋

蒼木也

壺中地縮篋底天包倉公負笈岐伯分茅

僊人條

生衡嶽石上、無根蒂、狀如同心帶、三股色、綠類苔、三生石、即李源圓澤會處

結○三○島○心○悟○三○生○石○追○三○徑○幽○免○三○禪○厄○

判官筆

一種竹如子母、笋頭如判筆、鄞俗呼此

南○山○不○移○中○山○可○供○未○試○五○花○且○招○二○仲○

羊仲裘仲也

鉢囊花

木高丈餘、花生葉上、萼如黃葵、香聞數里、金地藏來、花落鉢中、他時不落

傳○鉢○惟○真○托○根○不○昧○再○落○他○年○應○逢○布○袋○

有布袋和尚

盤盞葱

生趙魏間、高一尺、大如盞、陸放翁詩、筆羹僭用大官葱

行○厨○竹○裏○把○酌○花○前○用○調○中○饋○不○僭○大○官○

銀燈花

龍爪花也。紅者名金燈，白者名銀燈。更佳，又名鬼燈毬。

似○鬼○拋○毬○如○遊○秉○燭○移○植○書○窗○夜○深○照○讀○

銅匙草

生水中，葉如剪刀。

泉府之英○并州之快○補○衮○未○能○調○羹○何○賴○

墨記草

馬蓼也。有大小二種，每葉中有黑跡。

不○題○紅○葉○亦○草○綠○天○春○生○秋○殺○記○月○編○年○

油點草

葉似荇菜，每葉上有黑點相對。○唐李茂貞權油禁納松明。

松○明○有○禁○藜○照○徒○勞○低○徊○螢○火○歎○息○鯢○膏○

始皇然塚不竭

水灌珠

見章丘志樹如梅葉如女貞花如橘木開如珠生近水魯女見女貞木作歌

含雲澤

珠名

質帶洞庭春望難止渴詠可矢貞

山豆腐

菜名見鶴慶府志

鼎俎天助淡薄吾甘山中無術不羨淮南

豆腐乃淮南術

唐婆鏡

天曰也一年生一葉葉枯爲日陳新相易名玉芝可辟穀

天傳一種玉芝地作千秋金鑑黃婆也見慣

洛神珠

天泡草也形如皮弁實圓如珠又名王母珠燈籠草

江女珠空宓妃賦冷不解燈傳同歸泡影

金步搖

叢生花四出皆偶對無風常搖幹弱而枝繁也。后飾亦名此。

幹弱金風枝繁玉露不學邯鄲失其故步

玉玲瓏

水僊之重瓣者單瓣名金盞銀臺

瑤臺種翠水移目搖神女珮心醉索郎也酒杯

叛奴鹽

蜀膚木子粒如小豆上有鹽似雪可爲羹酸醎止渴防瘴名鹽麩子

孰梗化借調羹能止望梅渴何愁泣豆顰

僊人拐

中州呼長柄葫蘆也

方已規圓畫難依樣終日懸壺何年擲杖

越王餘算菜

出晉安白似骨黑似角長尺許越王舟中作算籌餘者棄水生此

會稽有餘樽俎不足借箸天吳添籌海屋

婆婆鍼線包

蘿摩也每包中子有白絨長二寸許漢高用敷軍士金瘡名砍合草

包藏天巧補綴人工孟婆刺繡赤帝從戎

備身弩

荒花也一名兒草同下五題皆侯寧極戲集藥名

幼負大志長射四方桑弧蓬矢有備無傷

續命筒

乾漆也妃馮小憐號續命煽惑自殺

造命無權回天有力妃子砭鍼越人膠漆

度厄錢

連翹也。

藥能濟醫欲通恐乏雙魚

錢名致難收一鵠

鵠扁功

破關符

蓬莪木也能化積。啄木鳥能書符名

羨爾攻堅亦能破結藥吏分符倉公合節

肚裏屏風

艾也名水臺

肉陣風高水臺露冷我願坦牀無慚衾影

正坐丹砂

附子也名雙鸞菊出蜀老君煉丹處者佳。煉丹化兔走道士化鶴擒入

鉛汞相須頂臍相顧但擇雙鸞勝擒一兔

蒲團松

在徽黃山小心坡絕壁枝幹盤屈形規鬣密如蒲團

懸崖高坐○掀顏談禪老○狐竊聽山鬼○偷眠○

棋枰松

在徽黃山平天砭枝踰丈頂平如砥以坐見奇

鴈行蛇竇○出沒山腰○棋聲子落○問誰閒○敲○

纓絡蠟梅

徽黃山出幹葉類繡毬花似蜜脾一莖十數葩如纓絡

效○大○士○粧○存○處○士○意○願○開○士○栽○薄○朝○士○味○

瑪瑙櫻桃

信陽州有半紅半白者名此○紅兒雪兒皆妾名

不○奪○燕○脂○胡○鄰○馬○腦○紅○雪○爭○春○樊○姬○笑○倒○

金餅梨

產北方梨名百果宗爽士

既作果宗。孰爲蘭友人。欲爽心。吾思守口。

珍珠菜

藤本。暮春發芽。莖圓白如珠。葉如茶連。腊之香滿。食美。出徽黃山。

珠璣胸蘊。離落根栽。孰謂牛肚。竟乏蚌胎。

金斗

福州果屬。實紅葉似橄欖而長。橄欖名餘甘子。

如肘懸。如星密。苦盡有餘甘。金盡無顏色。

玉帶

產閩花名。垂棘懸。玉也。

垂棘霜圍。懸藜風采。不鎮金山。豈沉珠海。

閩地

玉茗

宋時撫州白山茶名崔仁冀賦黃山谷謝竹友和之止此一株在瓊花上今亡矣

昔誇瓊

蔬今愧石花

也茗也
麟香惜玉滌硯烹茶

瓦竹

生黃山竹葉長廣似箬厚紉覆屋代瓦瓦學士石曼卿也饒太守文與可也

既有瓦學士在眼內豈無饒太守在胸中

竹有白眼

糖囊

橘也名塘南吳文定公以其甘易此

千頭植

八口臧食蔗思晚景對橘憶空囊

玉簫

白并也黃皮白葉如小竹根行五臟除百病

調金有意

弄玉無心
蕭湘風韻秦越砭鍼

竹有蕭湘

錦屏風

葛蘿也。葉如鏡松，翠色，紫紅花，植屏一月可滿。

詩曰：我到看花疑步障，誰來題句欲籠紗。

袞繡毬

藤生花一簇數十，葉圓如毬，產閩。莊宗鞠毬，優人敬新磨諛之。

裁雲補寧借仲山甫，鞠月歌莫謔敬新磨。

斷罐草

治疔瘡，食之拔根。白詩：惟無治老藥。

却疾乎得抱甕之樂，斷慾乎即治老之藥。

蒸餅柿

狀如餅。世祖微時，樊曄餽餅一笥，帝不忘遷都尉。

七絕何求一笥何貴得無虬卵同譏羊胃。

柿名類虬卵。

巢鉤子

甜儲子也木數圍不凋子似栗而圓小久食不飢

巢父不托狙公不留母易樹子毋忘射鉤

錦棚兒

木香也薔薇曰玉雞苗茶蘼曰佛見笑

奪齊奴標應東皇詔人可坐酣佛亦見笑

馬纓丹

出廣州高數尺花紅成簇如瑞香而長蓋參差可觀開大如盃不香即紅毬花

香未洩色已新誰謂披丹者不是惜纓人

馬鞍豆

出鎮江

拖藜杖說豆棚據鞍嗤矍鑠攬轡憶澄清

洗耙早

同下皆稻名

耕○可○收○瘡○難○補○但○得○救○公○飢○
早熟何○須○憐○子○苦○

拖犁回

一○犁○足○百○室○盈○詰○朝○迎○
貓○虎○過○歲○聽○鷓○鴒○

珊瑚鞭

叢生黃山谷中初秋莖長三尺密布小
花如珊瑚名金線海棠

七○尺○誇○三○秋○醉○青○女○
霜神欲○加○鞭○花○僊○
海棠且○按○轡○

氈氍毹

蘧蔬生菰草中狀似土棠苗江東啖之
甜滑呼此

敵○蓴○羹○勝○菰○米○寧○吞○塞○北○
氈○不○吸○江○南○髓○

鼓箏草

結縷草也。蔓生著地。楚辭索胡繩之纏。纏卽此。

風生韻月生絃指揮皆著地狂歌欲問天

哆囉蕉

出廣州。抽花長數尺。大如椀。紅如哆囉。名佛指蕉。

綠天如故朱紋空新如來一指點破紅塵

放刀爛

笋名。六月生。四明產。

非趨炎堪供酌若教韻僧煨不須頻掃籜

響玎璫

穀名。見寧都志。

稻香足書香續田野樹風聲子孫長金玉

伏塵氈

地骨皮也。即枸杞根。朱孺子掘根得。

犬曾伏鵲來

犬服昇。尋掘還想孺子吞豈憶貞臣

馬兜鈴

土青木香也。諸林澤有之。唐明歸蜀。

響未振青絕塵

馬名。引領占風鐸傷心淋雨鈴

扁擔草

似黍葉稍窄有穗有粒多生田中可飼。

芻可束粒難嘗

有肩担雲錦也。無臂助倉箱

撚蠟花

黃山谷謂京洛間有一種花香如梅類。

才子意女工

女工撚蠟所成因名。如思將一首贈撚斷數莖鬚

三才藻異

古董屠粹忠芝巖著

慈水鄭思陸瀛洲校

植物而動物名者

孔雀松

五鬣松也。孔雀名孔都護。

千峯塵拂萬壑龍吟都護庭植大夫家禽。

馬鬣松

形如馬鬣

帶鬣嘶風點頭拜石華表歸來心傷馬革。

墓有馬鬣

魚甲松

皮如魚鱗，余見禹陵南鎮數株最大。明時剖松中有花下一壺酒五墨字。

甲既生蟣，腹還無字，燒尾從龍，掀鬚附驥。

有馬鬣松

鶴頂梅

花小香，子甚大，名金剛拳。

衲衣摩拳，羽衣摩頂，緱嶺歸期，羅浮夢境。

鴛鴦梅

一蒂雙實，又名照水梅。

有詩：一聲玉笛吹城落，幾度文禽貼水飛。

玉蝶梅

千葉白梅也。

千片冰魂，一團瘦影，好教蒙園同歸庾嶺。

猴梅

植上林苑

人酸齒我酸心母教孫升木胡爲植上林

鵝梨

出鄭州大如餅落地則碎甘脆可解煩渴

冰雪姿爽快質換得黃庭書勝賜白衣食

鳳棲梨

陝州山有海棠貞觀中鳳止其上後結實如合掌團轉赤黃香脆

羨鳳臨能變質梨可壓海棠梧應生竹實

烏裨柿

生兔園柿之八稜者

群作模稜獨舒圭角待兔徘徊瞻烏矍鑠

鼠精李

王侍中堂前有鼠出穴即生李花實俱美。伍貫家李花數團作飛仙狀上天。

鼠吟慙自

一唐三易後願從伍貫數團飛鼠有吟詩

馬肝李

狀其色也

道旁驅馳井上耳目多少披肝爭如辟穀

馬肝石可丹餌

龍血李

崔奉國家有李無核識者謂天罰乖龍割其耳血墮地生此

墮龍血變馬肝治聾或有效

仲子破鄙不須鑽王戎

雞冠棗

出睢陽宜脯。棗名赤心君子

共慶彈冠殺雞爲忝誰報赤心羅雀掘鼠

龍棗

樹屈曲如結其實扁

以屈爲伸見群无首參之可矣剝之何咎

羊棗

實圓小三次開結。按羊肥則尾內生棗亦名此曾哲所嗜或在是庶與膾炙相合

躑躅偶名腥羶何有一經嗜狂膾炙人口

鳳眼棗

卽南棗可供斗。除夕砍樹曰嫁棗

八月剝兮瞻望蒼蒼十年字兮于飛鏘鏘

馬頭棗

出台州

昂爾首悅我口不關東野善心終落西鄰手御

牛○嬾○柑

子如牛嬾秋實至春盡子尚垂金

垂○金○不○敗○

鍾乳何求試迎仙客花前一甌

牛仙客也

獅○頭○柑

出雲南北勝州如獅頭色黃大如盃味甘杜詩咏柑終得獻金門

玉○殿○宴○傳○

金門詩朗豈堪聽鷗亦工搏象

魚○腸○竹

細而曲見梁簡文修竹賦

有○曲○肱○樂○

無披鱗危敲針作釣看劍引杯

劍有魚腸

鳳○尾○竹

葉細三分稍森秀如鳳尾又名觀音竹

五○蘊○空○

九苞竊非江左大奴亦河東小薛

薛氏河東三鳳

雞脰竹

類篁而細極大如指葉疎皮黃筍肥出松江○廣西出雞腿竹每節上天下小

呼鶴膝盟雞壇叩其脰接爾談作故人看

象牙竹

近根節纏文如爻色如牙蘇杭截之栽盆呼萬壽竹

萬年有誦六爻成文如可借箸何至焚身

鶴膝竹

出廣州

鳴條和鳥捕影驚蛇宜栽道院見忌詩家

龍頭竹

彭縣大隋山景德寺神照禪師投錫之所有白龍井生竹若龍頭

降可卓錫攀亦揮毫子猶所羨不好子高

白鳥竹

曹昆湘史賦竹則簣簣白鳥實中紺族有慈竹孝竹丹泣鳥頭盡白放歸

本慈孝堪應求豈灑燕丹淚也同烏白頭

白鹿竹

燥時皮肉皆赤武陵溪中所豐植也薄而曲可作簞

游武陵源憶終南洞十个栽牕三竿破夢

終南有白鹿洞

玳瑁竹

弓竹似筋籐斑駁如玳瑁其笋脫壳有文

梁取其名竹肖其色但聽烏號也

弓不來鳳食有玳瑁梁

蚱蜢竹

江湖間有一種野竹葉糾結蟲狀

鳳不食實蟲何結葉浪跡江湖披襟風月

紅鵲尾

青竹也。竹號圓通居士

湘君淚碧神女

鵲也

啼紅个中首尾物外圓通

黃蠟竹

堅實堪用，笋味尤佳。穆王作黃竹詩，以哀雨雪。

哀雪不歌，煨雷有味，青汗堪題，黃丸不寄。

金貓竹

節有金色，筍冬生。

有捕鼠名無哺雞，實出既奮雷，映還燦日。

鳴鳳竹

出岑華山，取為簫管，吹如鳳鳴。

如足足亦鏘鏘，攀枝思弄玉，擊節歎朝陽。

鳳鳴足

魚鬚竹

可爲笏

節不奪魚鬚○可作笏○歸無恙○蝦鬚堪作杖○

驚蛇木

出珠崖○執其木以行○則蛇皆遠避○啞則刮其屑○滲之立愈○

世多毒口○舉足驚心○安得此種○遍地成林○

鵲殼

橙也○名金毬○陸雲號隱鵲○

既類潛龍○何疑隱鵲○笑把陸雲○生吞活剝○

橘中有龍叟

虎鬚

石菖蒲也○剪則葉細○

生不嘯風○長還畏日○非我撩鬚○爲剪其翼○

蝦蟆衣

即石蘇四時可食

可以解衣可以推食無怪怒蛙勾踐是式

蚍蜉酒

鼠耳草也花黃如麴上已取汁和粉食謂龍舌料葉如鼠耳蚍蜉食此

百年槐郡一滴浮梁名酒荒郊鼠耳寒食猿腸

螢火芝

生良常山如螢火似草而非大如荳食七枚七孔明食四十九枚壽萬歲

火易滅芝難生燭能遊永夜杯不勸長庚螢名宵燭

燕胎芝

句曲山第三芝色紫類葵葉上有飛燕象光明洞徹食為正一郎中

如羽差池如絮洞腹羞舞昭陽欣瞻函谷

白虎芝

戲○陞○未○聞○渡○河○何○有○得○採○希○夷○芝○不○攘○馮○婦○

雙麟芝

道士伊祈立衣帶間出藥種殿前一莖兩穗似麟

般○般○苑○囿○者○飄○飄○衣○帶○問○何○愁○餌○之○不○僊○般般之獸麟也

鳳腦芝

實如桃五色食之唾鳳而昇

五○色○萃○一○石○看○丹○哥○出○玉○液○黃○老○入○泥○丸○有一石桃

牛角芝

生虎壽山似葱特生如牛角長三四尺青色服至百日得千歲牛哀化虎

扣○角○歌○曰○增○虎○壽○泣○牛○哀○添○鶴○筭○勝○鹿○胎○芝名

金鳳花

卽鳳仙。霍光妻謀易后，贈淳于衍葡萄錦，光轄上金鳳，每夜飛還。

不尋桑轄，豈翼椒房。葡萄贈答，泣鳳悲凰。

金雀花

色黃，形似雀，無心。春開枝上，可採茶供。又名黃蜂花。

不銜玉豈調金，還須防蜜口。且自鎖芳心。

鴟腳莎

菜竹也。葉似竹而細薄，貢染黃，名蘊草。鹿蓐。

春深眠鹿，秋老振雞。欲隨鳳尾，竹也。不憶鴟皮。

鳳冠粟

似鳳形，食之多力，出背明國。

覆非飽雀，服可吞牛。行將吐鳳，肯效沐猴。

虎掌稻

出背明國。虎行以爪卜食。

熊膳難熟。

雀觜

稻名

可求問誰卜食與虎同謀。

蟬鳴稻

七月熟。

擊鼓飲幽

貂蟬滿戶。嗟彼素餐。愧此飲露。

龍睛稻

唐謝玄卿遇仙設此。

龍見於田。狼戾其粒。額既可攀。腹何未實。

羊鬚稔

產四明。可釀酒。羊名長額參軍。長鬚。

額參軍

短主薄。令公醉。令公舞。樂我田祖。

白鷺豐

糯稻名見滇志

美魚閒夢魚占新豐美酒斗十千抱甕眠

老鴉翎

黑壳黑毛即旱稻也可山栽

蟹不輸芒鴉反點漆報反哺恩均遺穗德

木魚

櫻筍也

助彼貝葉宜爾鬣葵也既無前泣豈有後災

蒲鵠

同下二種皆瓜名

莫將故侯等視飛奴也青門埋跡勝伏青蒲

狸頭

王弘義捕兔損瓜號白兔御史曹瞞一瓜殺三妾

歌斑然泣拳然紫狐曾授首白兔莫垂涎

首瓜有兔

羊髓

西域有地生羊種骨而成○縑氏埋瓜失之得百錢乃崇儼取獻也

種子不種骨埋錢不埋舌觸有藩剗無血

龍肝瓜

長一尺花紅葉素仙瑕丘仲食之千歲不渴武帝封岱從者賜之

曾賜從龍不解司馬封禪一書豈披肝者

羊肚菜

薺菰之有窠眼者○晉種異菜園名金墉

豈曰胎生亦具肉眼踏破金墉參調玉版

筍也

鴨脚子

銀杏也名孔壇果。古詩烹茶煨鴨脚。

此泣麟跡。非守虎餘。莫將煨鴨錯認焚魚。

猪肉子

端溪有樹冬花其子大如杯肉如肪至美。徐孺子爲知己食肉。

杯可嘗食不鄙。縱難渡高僧亦可邀。知已。

杯渡和尚食肉。

鶴頂丹

滇茶也大如盃紅如血中滿。茅君鶴名九轉還丹使。

頂可摩鬚難數。還成九轉丹。收添十洲譜。

馬蹄香

杜蘅也葉似葵形似馬蹄實如荳食之已瘦可走馬。

得意風前披香月下牧之。少陵步塵司馬。

茨二
虎茨

產杭者佳、白花紅子、高尺餘、盆種、以矮粗
爲趣、又名壽星草、

虎穴潜踪、虎林括目、不剪茅茨、終淪空谷、

雀瓢

芄蘭也、蔓生、斷有白汁可啖、

挂瓢雲渺、佩鞞風微、王者不作童子何知、

蘭名王者香

牛乳蕉

出桂林、節節有花、花褪葉根有實如柿、四季實、性涼可飼兒、

鳳尾名殊、虬卵

也、柿

味足不供驅狼也、堪舐犢、

有狼尾筆

鳳尾蕉

出琉球、樹如櫻、葉如鳳尾、將枯以鐵釘其根則活、能辟火、

竹可同名、櫻可同色、燒尾著勲王于火德、

熊子

赤果也名玉樨文木實如橄欖葉似杉坡詩彼美玉山果餐為金盤實

玉樹可猜諫果可倣武既如熊文應變豹

鷓鴣

鳥曰木也鳥喜食其子根老則爛成日經霜葉紅子可為油白如珠鬼雀亦名此

舅不同心鬼將點額女解題紅子胡曳白

羊婆孺

木本細葉子狀乳頭累累而生酸甜可食

合酥識淺跪乳恩深豈彼叔子乃致酖人

貓兒卵

白斂也形似之能斂瘡萬貫貓名

鄰馬渤遯爵囊一株悲破卵萬貫謝醫瘡

三才圖會
鶴翎

卽娑羅花，出華頂峯，樹數百枝，枝十餘頭，頭六七葉，不凋，花如芍藥，香如茉莉。

翠迷冬

日，麝暗春風，許九臯士作一畝宮。

茉莉名，暗麝。

鴈啄

芡實也，名雞頭，莖苞有刺，子白如珠，可熟食。

泥珠出

水，剖腹觀，願不拯，鴈且佐談雞。

灰鶴

鎮江稻名。

田間飲蜡月下歌，幽戲語，煮鶴切，莫焚琴。

新雉

玉蘭也，花似辛夷，紅白殊耳。

阿雉朝飛

春風不如羽翼，已成璧圭如故。

木鼈

葉青花黃類李核似蟹植須合雌雄生則出雄方實又名木蟹

既知守雌何須擇木看彼橫行爭如跛足

樹鷄

土菌也名獐頭

顧其名思其義聊堪代齊庖慎勿充香積叶恣

蜜香樹

產交趾節心堅黑沉為沉香輕為馬蹄浮為鷄骨根為黃熟實為鷄舌

嗟爾五香不敵五願樹名寄語郎官蜜口罔獻

鶯觀草

二月生如麥五月食會稽姥養一鵝不鳴義之往觀烹待之

賁會稽鶯配滹沱飯非惡草陳增揮毫美

三才圖會
卷之八
二
雀舌草

葉似茶可食

摘○來○穀○雨○罵○盡○春○風○村○姑○銜○恨○剪○舌○登○籠○

鶴頂草

苜蓿也苗可作蔬子可爲飯

瘦○影○風○梳○絳○毛○雨○落○後○進○獻○芹○先○生○煮○鶴○

胡獮腳跡

形似名三月荒年採食

既○愁○掘○鼠○何○待○飯○牛○一○朝○哀○鴈○盡○飽○沐○猴○

老鴉眼睛

龍葵也子似之名漆姑

漆○女○不○憂○漆○姑○不○辱○烏○可○點○睛○夔○應○衛○足○

鴈翅檜

婆娑如鴈翅李德裕平泉莊有之

翅已插翠欲流萬羊空下咽一鴈不回頭

獅子栢

鄞天童寺晉義興師種云此栢垂地吾當再來形類獅寺燬樹枯今復鬱矣

偈曰弄月思搏梵帝客吼風莫變俗家婆

客象名大

騏驎竭

紫釰樹脂流滴如膠久凝成竭赤黃色治金瘡名血竭

竭汗血起瘡痍裹革空懷謗伏櫪安足悲

蜘蛛香

產西蜀草根黑色有鬚似蛛氣香貓喜食之

天羅可避人貓難防挂冠龔舍

號蜘蛛隱草野流芳

猪腰子

出融縣木有子形如猪腎

拱把以來不欺亥豕笑殺郭駝樹猶如此

鴈腸子

二月生如荳芽生熟可食

供人口甘嗟爾腸熱恨未書雲徒傷齧雪

虎梓

似桐而花紫木之王也

桐葉分圭梓材作誥風動四方一聲長嘯

鶴菜

苦苣也月令四月苦菜秀卽此李兆之

似解救苦

長懷坐佛豈能負金亦思報德

勸負金報周思

馬乳

葡萄也。張蒼百歲食乳。

含珠淚。醞瓊漿。醉誇千日綠。飽作百年蒼。

象膽

盧晉也。味苦如膽。

焚身無懼苦。口何疑。如將嘗膽。請備藩籬。

牛膝

山萵菜也。莖節似牛膝。紫而大者為雄。青而小者為雌。

寧為雌。伏莫飲。下流洗耳足。羨抱膝。何憂。

鷄足

山茱萸也。山萸色紅如杞。吳萸色青如椒。

不恨栽會稽。不能啼。恨火繫足。不能奮籬。

鹿角菜

猴葵也生東海石崖長三四寸大如鐵線丫如鹿角解麵毒

崩角海隅

傾心飯後山客

鹿也

珍乎野賓

猴也

嘗否

鷄脚菜

產南海石華之粗而似鷄爪者

龜指爨成鷄距禍爍蔬食可甘素履不錯

雀兒錦氈

蔓生三月採作氈

曾隨步障不產氈鄉嘉賓

雀也

設帳貧女承筐

鵝毛玉鳳

出蜀花如釵股秋開不蘄而鬢狀禽故曰鳳色白曰玉纖輕故曰毛

潔於圭輕於羽遇雪固難鳴朝陽亦善舞

鵝鳴雪夜

虎皮百合

文似虎皮、食之殺人、

縱饒炳文不登樽俎如解縣貍何愁暴虎

有檀香百合

鷄腿磨菇

中州淹地所產、肥美味如鷄也

紀子養我齊侯知我曹公棄我麻姑呼我

羊耳禿

野菜也、春採食、○周野饔著野菜譜、

角觸羊腸味鄰馬齒

名 莧 佛子開腥野老執耳

猫兒刺

狗骨木也、肌白如之、葉五刺、如猫形、

既誇骨勝寧乏心堅犬將吠影鼠不同眠

壁蝨麻

鷓麻也莖如茺蔚子榨油可點不可食合印色用之

聽捫蝨看塗鴉圖書留色澤踪跡寄桑麻

窩螺薺

野菜也春採熟食

采女筐素女

螺也饌寧設謝端餐莫幻季倫飯螺化飯

草魚目

薺苳也名薺珠子

混珠難明謗苳誰料老馬戀棧前魚泣釣

草鴟頭

貫衆也根形似之莖葉如鳳尾制三黃化五金

蒙食子名作濟人藥類我者鴟知我者鵲

麒麟草

元和時、館閣湯飲待學士者煎此。

池長鳳毛。杯傳麟乳。若箇圖形。何年遊圃。

蟾蜍蘭

猗蕤草也。香似蘭。名蝦蟆藍。○蝦蟆之

牧豕道古。茹草心安。莫教田父也。學采蘭。

牛舌菜

羊蹄大黃也。生水田中。葉如牛耳。

不躑躅。不殼觶。帶露泣埋羊。臨風笑舐犢。

螺鱗草

藤生石上。似螺鱗。微赤。

石點螺黛。笑靨輕盈。移栽花圃。權當錦茵。

馬蘭

葉似薔，出土即硬，故馬不食。三月間紫碧花，五月結實如豕首。

豈化碧材，奪乘黃魄，始信據鞍終鮮完璧。

鼠查

赤木瓜也。即山查樹如梅，大如小奈。奉天名山裡紅。李白流夜郎有過木瓜山詩。

鸞愁棲棘，鼠笑乘查，青蓮被竄，酸楚木瓜。

斑龍腸

黑參也。葉似槐柳，莖紫，花碧，根黑。道家用以合香。鹿名斑龍。

質猶斑斑，腸胡墨墨，入衆妙門，出衆香國。

草龍膽

葉似龍葵，根類牛膝，味苦如膽。

是膽渾身，非足屈膝，似此從龍，何慚向日。葵也。

青蛤粉靛花也

著雨添螺黛。隨風點蝶衣。貢龍女助花妃。

白馬骨生河東似石榴而短小對節治瘡

青囊可攜紅裙不借。若盼涓人亦增聲價。涓人千金買骨

碧蟬花竹色菜也葉如竹高尺許花碧如蛾畫取作色

揮毫有邑鼓翼無知。此君栖碧遲我罨溪。宜興有罨畫溪

公鹿草生深山人跡不到處食之壽二千歲

不入鹿門豈通鹿洞。草子雲文遊華胥夢。

鶴子草

形如飛鶴翅羽背距皆備亦草之奇者

月吊蘇耽

化鶴

影風搖丁令心聽鳴和于在陰

虎子桐

似梧桐子壓為油可毒鼠

不產虎穴亦翹鳳巢能驅貪鼠曷喚眠猫

一作

鵠蝨

葉似蘇花似菊子似蓬蒿治心痛

治心藥入徑花捫既可談世刻何難訓家

烏犀

皂角也名懸刀犀有辟塵蠲忿名

無垢說法長房闡公塵既可辟忿豈難蠲

無垢佛名

湖鷄腿

翻白草也楚人以根味名葉似地榆花黃

葉○翻○鷺○白○花○借○鵝○黃○不○堪○供○母○聊○佐○索○郎○

酒也

土馬驤

苔生背陰古牆上者名此此垣衣長大

寧○銘○循○墻○不○悲○伏○櫪○驄○馬○使○來○踰○垣○避○色○

熊蹯菰

圃○吾○不○如○掌○吾○所○欲○豈○令○宰○夫○心○傷○不○熟○

雉尾蓴

出蕭山湘湖為最四月生莖未葉者名此五月名絲蓴冬至名猪蓴

鳳○毛○爭○羨○驥○尾○群○趨○雉○膏○不○食○鱸○膾○何○須○

三才圖會
二
雞瓊菜

瓊土菌也產雲南形類香蕈可取爲油

此○非○木○養○亦○作○羽○儀○焚○膏○已○竭○捲○土○何○知○

蟻絮藤

生居風縣人視土中知其蟻發以木皮插其上則蟻出緣而生漆

元駒出獵○漆蝶歸宗○斬藤破夢○拔絮談空○

蚊子樹

生嶺南如冬青實如枇杷熟卽裂蚊出實空一云蚊子飛食

力不勝山○質能依樹○孝子名成○貞女節著○

有露筋祠

魚子蘭

又名粟蘭珠蘭花黃粒如粟香甚

不登鮑肆○如入芝房○滄海一粒衣裏偷藏○

落鴟瓜 王瓜也葉似括萎有刺如毛子如彈丸

瓜期未及株守休嗟恐難中雀終笑堆鴉

繫象樹

乾陀國頭河岸有繫白象樹花葉似棗冬熟相傳此樹滅佛國亦滅

鉢可參龍樹應繫象証果有期宿根可想

翻鷄菱

立都翠水有菱碧色狀如鷄飛仙人鳧伯子常食之

飛翠然不然色不碧飛翰然不然鳧不齧

串鵲紅

李名雙聯熟時皮黑見永平

繫絲井上並蒨枝頭何年駕鵲同笑牽牛 花名

老秃鷺

鷺蘿也

昔賦在梁。今胡緣木。羨魚心同。亡猿憂獨。

無聲虎

大黃也。一名將軍。李廣弩名大黃。

亦負丘嶠。不吼風雨。岐伯撩鬚。將軍沒羽。

猢猻頭

旱蓮草也。斷有墨汁。名墨菜。鯉腸。

沐山巾。染松使。類文字。小人亦胡孫。君子

墨名黑松使者

鸚哥舌

卽紅鹽草果之珍者。實始綠。頻取紅鹽。暴乾之。纔如小舌。可薦酒。出桂林。

綠衣弄舌。紅友開顏。聽鶯異日。好伴雙柑。

蟬花

蜀中山蘭，四季有花，香甚。一種葉稍大，紅黃白三色，窮冬新正盛開者，名此。

三巴秀色

四序香風，投簪齊女也。蟬擊節，吳儂有譜。

蟾花

產廣南，花葉皆類木蘭。

風舞蠻腰

神遊蟾窟，南國佳人羞花閉月。

鴻藏

巨勝也，角八稜為巨勝，四稜為胡麻。

桃花一飯

人去山空，豈悲別鶴不盼歸鴻。

蛇銜

一莖五葉，或七葉，蜀人種之治蛇傷。

隋侯銜恩

寄奴名，解毒思患預防，豈惟巴蜀。

馬尾藻

生淺水狀如短馬尾細黑下水

追風

馬名

千里在水一方莫嗟驥櫪終是魚牀

藻也

象蹄花

似梔子而葉少夏開至秋出桂林

象曰葩奪目

香折手吾其托足庶幾禪友

梔也

地龍藤

生天目山蟠屈如龍治風

歌曰駕雷公

藤名

今跨長房驅飛廉兮參太倉

烏虎藤

遶樹生冬青

三匝何疑

一枝可托虎嘯風生烏啼月落

勃姑飯

酢漿草也、四明呼此、叢生、莖端三葉如萍、花黃實黑、楷鋤石器如銀、

不假耕耘止堪剝啄無米何炊無婦何逐

胡孫薑

補骨碎也、

御狙無術助鵲有方從來辣手不畏斷腸

青羊

千歲樹精名此、修羊公化白羊、黃初平叱石成羊、

千歲脂一樹碧道人叱不黃修公變不白

白犬

昔人獵中岳見白犬穿地掘得草根植之乃芍藥也因名、

吠雲深展草角非韓盧非宋鵲伊其相譴

天猪

菖蒲也名水劍

利涉水畏負塗斬蛟可作劒牧豕豈當竽

子晉吹竽牧豕

靈鵲

凌霄花也又名鬼目依樹而生

神女鵲也

散花野鬼奪目喜不依人何妨附木

草犀

解毒功用如犀角苗高二尺獨莖對葉生水者名水犀

種非分水功豈通天可知犀照不若藜燃

木犀

白桂花也

招隱門辟塵

犀路攀枝可步蟾守株難待兔

赴魚

名當田莖小根黑治風

于棠可矢于濠可觀子將安往曰往于田

伏兔

漏蘆也蒿類花紫子白附莖有皮如箭羽療風邪一名飛雉

三嗅不作三窟何須守雌之道只在守株

鶴秋

白玉簪花也名白鶴仙

雖荆璞如亦霜翎若誰其抽簪借爾調鶴

蛇牀

類薜蘿蛇虺喜卧其下食其子益陽

上山採薜撫牀長喟白帝城邊容誰鼾睡

果羸

杜瓜也。名天骷體。

龍肝

瓜名。

可托。螽羽難求。人誇卵翼。天惜骷體。

桑蛾

桑寄生也。一名桑耳。桑鷄。

蛾黛盈盈。桑門止止。戒旦無聞。屬垣有耳。

土蛹

名地蠶。甘露玉環。根連珠如老蠶。五月掘食。味如百合。

地不愛寶。甘露降玉環。出率土。臣無蠶食。

石鯪

絡石也。類木連地。錦緣木石而生。治喉痺。鯪魚四足如獺。名穿山甲。

木石可緣。甲鱗安在一絲。不纏三生。不昧。

有三生石。

麋目

似棠梨，葉如楮子，如木瓜、梅李，不周正秋。熟色黃，味酸，蜜漬食佳，發冷痰。

瓜李增嫌，鹿麋交善，長歎熱衷難逃，冷眼。

鮫淚

龍眼也，名驪珠，燕卵，荔奴。

不嘗妃子如點僧繇，鮫人泣月，天女也。燕悲秋。

兔絲

火燄草也，初生根似兔，取剖血和丹服，能變化，及長根斷，無葉有花，附松而生。

長攀龍甲服，引龜年不營三窟，豈效三眠。

蠶羅

樹葉似棗，實如李。有仙人韓終李。

僊棗如餅，僊繭如甕，韓終所忻，羅敷不夢。

落鴈木

藤蔓纏大木，葉似茶而花實，鴈過皆綴其中。

一葦可渡。一木可羈。莫稽繫帛，恐誤搗衣。

伏牛花

隔虎刺也，生川澤，葉似黃栢，莖赤有刺，花黃作穗，似杏不凋，療風。

只鄰守虎差勝牽牛也。歸來牧笛笑，插盈頭。

遊龍

草，水紅也，名馬蓼，似蓼而葉大，道家呼鶴膝。

鶴擁其膝，龍探其珠，負圖洛水，一片丹書。

來禽

林擒也，似赤柰，言味甘熟則禽來也。

花美蜂釀果甘，鳥喜所以甜桃不如苦李。

虎眼

樗也。葉脫處有痕如樗蒲子。名鬼目。木之無用者。故得全其天年。

逐逐已無耽耽。何有不意鬼材。亦邀蠹壽。

龍睛

楊梅也。白者名聖僧。

無閃電光。有映日色。一點僧繇須防破壁。

鹿藿

食葛也。鹿食九草之一。蔓生根美于芋。花藤可釀酒。

視藿如肉。采葛之俗。視肉如藿。覆蕉之屬。

牛棘

薔薇也。劉訓指水牛爲黑牡丹。

縱誇鬪虎。豈堪棲鸞。莫教劉氏錯認牡丹。

金蛾

宋艮嶽八芳草有金蛾玉蟬虎耳鳳尾素馨渠那茉莉含笑

秣馬鴨綠將無渡河傳聞花石猶闢黛蛾

玉蟬

茗長二尺葉如菖蒲紫萼五出與蟬類綠碧相間白者名此

爾心匪石胡為栖碧爾口不吐何畏巨斧

螳螂名

鷹爪槐

枝生曲屈如鷹爪葉如垂柳槐名音聲木

木之音聲王之爪牙鷹揚在望燕雀無譁

龍鬚栢

九巖山溪龍丘萇隱處多產此栢望之五采徐伯珍移居之

蒼宮偃蓋茅舍移居龍也掀顙豹亦攀鬚

天鵝蛋

甜瓜也，色青，燕俗名此。天鵝畏海東

觀我之生，得天之形，無慚東陵，不畏東青。

有東陵瓜。

野猪尾

產施州，藤本纏木，四時有葉，無花，療心氣痛。

艾○猥○吾○甚○耻○斷○其○尾○封○豕○吾○甚○恐○絕○其○種○

五鳳草

澤漆也，綠葉綠花，莖如馬莧，葉如苜蓿，莖頭五葉，中分抽五莖。

造鳳樓，手埋雞窻跡，首蓿盤中，請君熟擇。

九牛草

生筠州，獨莖，高一尺，葉似艾，解風勞。

七情入骨，爾可力支一字，入公爾將安施。

羊眼豆

白扁豆也一名蛾眉豆

蛾眉足憐○兔園亦選○我惡觸藩○爲多白眼○

蛇眼草

生古井及久陰處形如淡竹葉背皆紅圈如蛇眼

介子從龍○目中已了○只恐焚林○難逃驚草○

鹿胎草

陳惠度射鹿剡山鹿傷產子以舌舐乾而斃度遂爲僧後鹿死處生此草

舐犢誰無○脫胎可慕○人度空門○鹿開生路○

牛肚菰

葉最大厚味甘○江秘不食菜心○王武子與王愷賭射中牛炙食其心

腹不虛力○不竭剝得○江郎膚啖○勝王家炙○

鴨舌草

地葵也形似之。陸龜蒙鴨能作人語。

漫視舌且司饗如能效人語未敢笑龜蒙。

馬齒莧

名五行草水陸俱產。吳興守祭遵種。

五行正氣五馬清操願栽官署不齒僧寮。

金雀椒

白羊鮮也葉似茱萸花似錢葵根似蔓青子如椒苗氣似羊羶可茹治風。

心已輪丹口還銜玉薑桂自矢藩籬不觸。

金雞樹

榭也類櫟實似橡子皮名赤龍。武后封嵩山赦日置金雞于杪賜名此。

蠅集筆端雞鳴樹杪牝已司晨星胡出皎。

淫羊藿

西川北部有淫羊，一日百合，蓋食此藿所致，舉體悉化為筋。

勉矣加餐。澱角之欲哀哉。登徒燒尾之續。

羊燒尾則入群。

杜鵑花

有紅黃白三種，產蜀重叠深紅，產四明葉薄色淡。

蠶叢不歸。蛟門寄跡。鳥伴啼紅。人將浮白。

蠶繭草

大如蓼，莖赤花白，生東土，治蟲咬。

豈期蓼岸不約。桑宮織成。地錦裁奪。天工。

龍角葱

樓葱也，苗八角，明目。侯思止號縮葱。

放翁不僭。侍郎不縮。誰其攀頽。爾將括目。

飛天蜈蚣

葉密對生，長穗延樹。

附喬而生，百足而列，能制龍蛇，何畏霜雪。

混沌螟蛉

寄生草也。

非胎非卵，不識不知，縱牽蘿蔦，豈夢熊羆。

鳥不立

樹高丈餘，葉厚綠，四角有刺，子紅成穗，不凋，皮漿可粘鳥。

鳳識覆巢，鳥知瞻屋，投止望門，豈解擇木。

鵝不食

石胡荽也，不堪食，名雞腸草。孝鵝銜

鵝祭母，薦馨香不下咽，呼彼蒼雞，聞斷腸。

鴈來紅以鴈來時色紅也卽老少年類

倏驚霜信名鴈暗助朱顏慙勤題葉好寄天南

牛塘利二三月采熟食可作齏野菜也

實我蠶筐橫彼犢笛巧於處貧利在晚食

蜜蜂草香薷也氣香葉柔花房似之能解暑
張師雄甘口悅人號蜜蠅蠅

口不甘香不失何羨乎楊冰何取乎張蜜

蛇魚草治金瘡

非牧夢非女祥白龍魚服藏草野破斧斨

獼猴桃

藤生梨形桃色名陽桃實如雞卵褐色經霜始甘多為猴食能止渴皮可作紙

非彌子餘豈雞翁

藤名竊哀王孫也飢解長卿渴

狗蠅梅

蠅梅之子酸甘未經接者臘月開花小而香淡

驛使不來

蠟書誰進黃耳

犬也青衣也蠅暗傳春信

鷹爪蘭

香似木瓜枝蒂如鷹爪六瓣兩臺異種也余於廣州海幢寺見之

六出奇九

晚綽留月伴簣簪

廣州有鷹爪竹翻風驚鳥雀

麝香芝

即紫述香出蒼梧

如取述母蹈分香轍如取瑞母貽噬臍悔

狗牙花

葉如桂花白而香狀如水梔。○王鐸犬名花鴨。

不○吠○影○亦○穿○籬○長○臥○花○前○鴨○勝○談○窻○下○雞○

雀腦芎

芎藭也。葉似蛇床。治頭痛。

龍○腦○分○香○蛇○牀○奪○魄○橘○井○嘉○賓○也。雀腦。泥○丸○神。輔○客○

鵝兒腸

繁縷也。莖繁中空有一縷味甘。花白花紫者名雞腸。

換○書○已○絕○聽○經○已○滅○一○線○空○留○寸○腸○如○結○有聽經鵝。

獅子耳

栽可為玩。一名虎耳。生陰處。高五寸。一莖一葉如荷。夏開小花。艮嶽八芳之一。

降○嶽○之○英○隔○垣○之○屬○假○虎○有○餘○伏○狸○不○足○

雞侯菜

生嶺南似艾二月生苗宜雞羹食之溫中益氣

天工坼甲○膳夫握苗○未調○郇鼎○先供○齊庖○

燕子花

紫色全類燕子生藤上一枝數葩

銜泥雨過○掠羽風投○香招蝶醉○舞解鶯愁○

草石蠶

生高山石上根如箸上有毛節如蠶葉似卷栢浸酒除風

石可漱酒○可輔未能○治繭絲○豈堪驅跋○扈○

柳穿魚

樹高數尺葉似槐花如粒作穗淺紅色

五柳對門○一竿把釣○無酒有魚○淵明長笑○

威作癡鳩鳥威草高二尺葉紫不凋子如珠解毒一云

不假威豈守拙郭婆鳩也思借漿鄭樵醫堪解結

羊躑躅黃杜鵑也苗似鹿蔥花類凌霄羊誤食其葉即死○羊名長頰參軍

鶯羽可借鵑血無聞魂遊望帝腸斷參軍望帝化杜鵑鳥

雞翅木白質黑理縈迴似影木產瓊州假作伽南念珠即此

望雞園欲借枝未得傳心法終難插翅飛

龍骨花生黃梅縣鼓樓東墻上元時與楊州瓊花並峙花開清香他處罕有今無矣

應銅壺埒玉蕊攀想墮龍鬚飛先跨鶴背

鱗魮樹

矮樟也樹似茶葉似小鯽花黃白子如冬青根葉皆香

錯比潛鱗休教伐剪低首矮檐魚龍難辨

雀蓊草

秋日采滌鹽炒食

拾我野翠佐我淺斟以燕樂我嘉賓之心

雀名嘉賓

白鶴花

花如白鶴立春始開出桂林

春信方通羽衣忽躍我適看花人疑調鶴

蒼蠅樹

名蓋溪葉似蒼蠅見徐渭詩集註樹生旗神廟大五抱火焚中枝

鬼火中侵神旗外捲傳赦無心止樊可剪

鳥昧草

歲蝗旱，詔范文正撫江淮，還獻貧民所食草，乞宣示六宮戚里，用抑奢侈，卽蕨

借○斷○螯○手○繪○茹○草○圖○六○宮○哀○鴈○四○野○瞻○烏○

雞栖樹

劉放孫資典樞要，夏侯獻曹肇不平，指殿中雞栖樹曰：「此亦久矣，其能復幾！」

良主擇臣○良木擇禽○入朝見忌○登天翰音○

龍爪環

江寧靈谷寺誌：公自西域攜來兩枝，今存其一，葉如龍爪，四季常青，不落無香。

西竺枝分○東王環賜爪○獻金龍跡○留蕭寺○

鵝膏葦

出山中。僧謙光願鵝生四足。

不添而足○不屯其膏○僧如有願○君請代庖○

油鼈子

芝蔴也，四角者為胡蔴。

形何鎖性亦油笑。僊家一飯費神守。鼈千頭。

燈蛾兒

二月采食。佛圖澄腹中有孔，拔絮出。

偈曰：視草眼前皆赴火，放光腹內即傳燈。

紫金牛

生福建，葉如茶，上綠下紫，實圓如丹，治隔氣。

青牛不復丹，草難知。函關佳氣近在武夷。

丹山鳳

司徒侯恂芍藥名此，花開一莖四朶。

招四香闌七寶對，酒有名花題門無凡鳥。

醉猩猩

下皆牡丹

能○言○乎○解○語○復○解○默○能○飲○乎○傾○盃○復○傾○國○

睡鶴僊

徐爲卿化鶴帶箭歸蜀

猊○舞○笑○鹿○殘○悲○好○夢○驚○棋○落○香○魂○帶○箭○歸○

鹿胎紫

多葉色紫花有白點如胎鹿紋

豈○工○點○綴○亦○帶○烟○霞○如○其○銜○鹿○未○免○驚○鴉○

唐明日稱爲鴉

鶴翎紅

花白而本內紅狀如鶴羽細葉

不○驚○露○却○餐○霞○亭○北○皆○傳○舍○遼○東○是○故○家○

鳳尾白

千葉

花○王○會○羽○王○于○洛○盟○曰○請○附○驥○歲○修○玉○帛○

羊血紅

千葉平頭易開產蜀

春○風○醉○蝶○夜○月○啼○鵲○堪○啜○國○色○亦○染○腥○羶○

紅鳳頭

桃紅千葉花高大

東○皇○羽○詔○銜○出○花○宮○丹○丘○化○日○洞○口○春○風○

素鸞嬌

千葉樓子粉紅

盈○盈○態○淡○淡○粧○月○來○臨○寶○鏡○風○過○舞○霓○裳○

鸞對鏡則舞

瑞露蟬

粉紅花中抽碧心如合蟬

國○有○人○瑞○花○有○清○香○貂○蟬○滿○座○盡○飲○天○漿○

舞青猊

千葉樓中吐五青瓣有大紅桃紅紫白四種河陽名睡綠蟬獅常奮額吐舌

吸○露○疑○蟬○寤○翻○風○畏○鹿○銜○寧○吐○舌○莫○掀○額○

鸚鵡白

唐明棋敗白鸚鵡入亂局

香○天○香○白○羽○白○與○妬○橘○中○棋○寧○翻○貝○上○葉○

鸚鵡能誦心經

鴛鴦錦

下皆菊名四面佛一帶成五六每朵下黃頂紅唐明擁妃子曰被底鴛鴦

抱○錦○而○眠○却○笑○三○楊○被○底○爭○如○五○柳○籬○邊○

紫鶴翎

有黃白粉三種。鶴名蓬萊道士。

帝女

菊名

跨鶴翩翩紫衣柴桑有約蓬瀛無期。

蜜雀舌

有粉錦二種。

蜜口休防

錦心可想三徑酒空一甌茗賞

茶有雀舌

玉蝴蝶

碎玉飛錢

蝶名

解金倒甕看破如花不離是夢。

錦麒麟

名回回菊花極耐霜露經二寸瓣初重紅開則面金黃背赤紅

兆白帝祥

遊逸客藪籬下吐書錦心繡口。

雞冠紫

名紫鳳冠，千瓣起樓，取象于雞冠花也。有紅葉二種。

落帽天送酒，地窗下乏清談。籬邊饒紫氣。

鶯羽黃

名鵝乳黃，花嫩黃，千瓣如大錢。鶯名紅樹歌童。

紅樹無歌童，綠籬有羽士。愛鵝兒酒相似。

詩：鵝兒黃似酒。

刺蝟菊

瓣如蝟刺，大如雞卵。蝟見鵲則仰腹受啄。

金布地玉開，尊把臂招神女。掀顏笑桓溫。

溫鬚蝟磔。

龍腦菊

名小銀臺，中筒瓣色黃，外葉純白，香似龍腦，早開幹大。

志薄銀臺跡，留香社子曰。龍德而隱者也。

回峰菊

白菊名羊欣草。尹伯奇母取蜂去毒繫衣。

詩曰香回去毒迎風帶色借揮毫待月裙

合蟬菊

九月末開粉紅筒瓣筒之大者裂為兩翅如飛舞狀

吸露冷傲霜誇為因鄰朽木留待殿黃花

朽木化蟬

金孔雀

名金襴菊開赤黃經三寸半厚稱之隨開隨悴

相對花黃半傾醕綠南客孔雀名開屏東籬鋪褥

雙飛燕

淡紫千瓣每花有二心瓣斜捲如飛燕之翅。姚玉京有孤燕詩

詩云同心有酒呼彭澤翻羽無詩泣玉京

玉兔華

卽月下白，花青白色，如月下觀，僅二寸，瓣細而厚。

花帶碧客添新月，已邀將至酒還沽，未曾

妬鵝黃

芍藥也，名黃絲頭。

莫持贈，且高吟，幾多道士意，一片美人心。

鵝名道人

蜂趕梅

葉花類籬菊，色白香清，如蜂如梅，參差錯綜，或開或含，異種也。

噴得僊翁飯，來徵處士詩，繞籬去帶雪，歸

葛翁噴飯成蜂

蝶戲珠

卽蝶花

具大海眼

蝶名識老蚌胎，將三昧戲作一夢猜。

蚶殼

壳如瓦屋子，下皆荔名。○荔有十八娘名。

肖瓦屋

蘊珠璣覆此十八娘，避彼十八姨。○風也。

雞肝

實扁味甘，色紅無核。出閩清廉里。○徐燧有絳囊生傳。

晉絳囊

生拜會稽公。○雞也。肺腑洞見，琴鶴餘風。

駝蹄

長大甘柔。○貴妃發明，駝使送香祿山。

柔豐美

跋涉多如將促飛騎，盍教發明駝。

牛膽

顆極大，一握僅三四枚，品之極者。

非斗大

亦星懸果中，誇執耳林下笑披肝。

龍牙

出興化殼紅長三四寸曲如爪牙而無瓢核全樹忽變品之怪者

此豈乖

龍竄處古木吞吐還丹爪牙結綠

荔名

鵲卵

皮薄實圓斑如鵲卵味微酸七月熟

立自知

風棲還擇木破卵悲秦覆巢思蜀

蜜

蜜丸

味甘肉厚同昌公主嗜紅蜜而病愈

甘如飴豐無骨醫未療齊睂信可通長舌

麝囊

色紅

虬卵形鄰鶴頂色類探囊可取噬臍何悔

璚瑁紅

荔上有黑點疎密如璚瑁出福州

借介屬珍果名螭宮開璚宴白浪起紅塵

虎皮斑

產福州大乘寺紅色絕大繞腹有青紋類虎斑

祇辨猩紅孰知羊質捨身佛奴貽世口實

雞引子

一朶數十枚大小錯出大者核小小者無核七月熟

無小無大以引以翼祝祝朱朱呼雛而食

虎喇賓

果似林檎

林鮮守虎香竊來禽得逢賢主此非惡賓

見酉陽雜俎。○蛞蝓名天桂，轉丸推車客，夜遊將軍。

弄日轉丸。翻風飄桂。過客停轅。將軍擁篲。

婁約居常山結禪座一野嫗持樹植于庭名此經歲芳鬱一鳥赤尾常止其上

大乘深固諸乘扶蘇枝長帶鳥心不迷狐

蜻名諸
乘狐黎

廣州花名

錦心發色繡口舒香天孫織手公子詩腸

鶯名金衣公子

葉如僊人掌花藍紫如飛燕名紫羅傘

紫袖輕盈烏衣怨慕回首昭陽倚闌泣露

白馬豆

食之茵醉，號國夫人厨吏鄧進，以豆皮洗吳興米，作靈沙，曬供翠鴛堂。

蛾眉

名豆

淡掃馬首爭看，號嬌茵醉，號滅茵寒。

赤鸛芋

產蜀，形長而圓，不繁衍。

不意蹲鴟，卻能驅爵，餓虎飢鷹，休過大嚼。

牛麥果

葉圓幹直，花黃香，牛車盤邊多植之，蔽日，四明呼此。

其于木也，為圓為直，為黃雲，願風而蔽日。

魚鮫蘭

名玉幹，建蘭第一也。白幹而花出葉上，十二萼，花片澄澈，宛如龍鮫。

出虎穴，入魚牀，騷人曾結佩，龍女亦分香。

龍鱗木

萍鄉有檀木、客用六十緡市之、將伐、一夕生龍鱗遂止

篤其材孰敢利其財顯其神孰敢攫其鱗

貓耳朶

春採搗和粉作餅食見姚清浩野菜譜

糖伴栖

名貓

甘如飴爾竊聽我朶願可以樂飢

拙骨羊

洪薯蕷之次者名此最大者名天公掌、甄宇號瘦羊博士

煨楮柚傲河魴天公有肥犂博士無瘦羊

紅殼鰲

鎮江稻名

田畯至喜河伯關情鼃不勝食虎亦思迎

虎脰骨

南康草名。虎脰骨能去風壯骨。

風可驅霜不殺。出土假虎威。入籠鄰馬渤。

馬接脚

生施州。四時有葉無花。治筋骨。

不奔塵可拔。萃入乎岐黃中。辨乎驪黃外。

鳳毛桑

出萬載。有鳳尾竹。伊尹母化空桑。

眠可登三苞。何附九竹已。生孫桑應化母。

牛筋草

出羅定。

草頭露夢裏。身胡耽舐犢。愛筋力竭生平。

鳥賊樹。墨魚名鳥賊。

東皇司令墨吏守株栖不擇鳥緣可求魚。

鵲喜樹。鵲名丁公鳥。有鵲巢和尚。

丁公開顏木公擊節僊可占風僧應坐月。

燕子不來香。野菜名。至燕來時腥不堪食。

風添韻雪生香怕聞天女。燕也。至留待野賓。猿也。嘗。

秋風戲蝴蝶。花名。見大同志。梁山伯化蝶亦。

春已去秋莫悲花還迷山伯蝶應夢封姨。

燕竹 小如淡竹，笋美。關盼盼有燕子樓詩。

贈言似有風聲招盼盼，寧無月影吊翩翩。景翩翩，詩妓也。

鶴蘭 花白，兩翅一頭，尾稍黑如鶴。燕姑夢蘭生子。

羽士盼芳士，也。怡好教招丁令。令威，化鶴。莫待夢燕姬。

青鸞花 生徽黃山，長五六寸，葉如玉簪花，莖上小葉布絲，一絲一花，秋開如舞。

鳳子招魂鶴僊 玉簪名。待聘為盼傳書，不教舞鏡。白鶴僊。

紫貝草 瓊州藥名。古用貝，秦始皇易錢。

貝代錢用，病民若以錢治病，其效更如神。

金雞爪

治五痔頭風和臟醒酒用其木造屋酒味皆淡

青囊何幸白墮何辜示人養木先戒屠蘇

酒也

河鳧茈

葶薺之小者有羊猪二種能醒酒化銅鳧喜食之

笑羊質效鳧趨寧把歡伯

酒也臂休拂少卿

鳧鬚

兔葵

葉如黃菜而小花似白梅莖紫雅丹石得此而神

王卿守爐竊發躍出兔擒之
且可避烹可虞得脫瞿曇金還擒道士爐

燕麥

苗與麥同無穗一名牛星草所謂兔葵燕麥搖蕩春風者也

碧浪輕翻烏衣暗度臥看牽牛行將待兔

有牽牛花

騎鯨栢

鳳凰山有紫栢十圍根蟠石上如騎鯨

人思附鳳爾獨騎鯨知超碧海勝逐紅塵

擾龍松

徽黃山散花島一松透峯頂長三丈若龍爪搏擊呼為帝松

縱橫帶甲風雨拏空木公稱帝萬壑朝宗

松聲也

雀芋

如雀頭置乾地反濕濕地反乾鳥觸之墮獸遇之駭置竈上即花食立死名蕉毒

性無常毒無隅人方博士名芋腸吾比馮婦名雀口

魚薺

似茵陳大葉而香吳人以此煮魚

莫歌彈鋏且擇調羹江東借箸風味鱸蓴

暑龍鬚菜

司空山洗藥池張岳浴丹產此日未出
浮水面日出則沒採若暈穢則苦澁

掀風邪畏日邪生還厭葱韭採可伴丹砂

羊角菜

白花菜也秋開白花結長三四寸子黑
羶氣宜鹽俎食詩歸宗寺裏淡鹽齏

其角濺其徒留歸宗可作齏左伯不下咽

左伯祭
羊角哀

石龍芻

生東海龍川島馬食之日行千里穆王
養八駿處也

奪非子封薄造父功生芻一束雲錦六龍

野狐絲

亦名雀舌蔓生色白花微紅大如栗秦
人呼此

牽紅待月浮白歸山寧聞雀罵莫聽僧談

鼠麴

葉有白毛黃花可雜米粉食

豈○成○畫○餅○亦○想○題○糕○草○可○竊○鼠○人○應○呼○猫○

虎杖

似葅草而大有細刺可染赤煎飲色類琥
珀○劉銖朱有隨年杖

扶○老○未○能○飲○汁○何○補○杖○隨○於○年○吏○猛○於○虎○

息雞草

出契丹裊潭味美馬食不過一本而飽

托○根○深○求○牧○寡○胡○不○栖○碧○雞○而○反○飽○金○馬○

濯龍木

建安五年洛陽建妃殿伐此血出○漢
武見九寸人朔日此木精藻廉訴頻伐

鱗○甲○悲○風○斧○柯○泣○月○豈○不○聞○藻○廉○之○告○竭○

麝香紅

李也出燕盤山色如硃砂大如蘋果最香美李有串鵲紅

紅○非○串○鵲○碩○比○來○禽○香○囊○載○道○東○郭○非○貧○

李名東郭貧女

羊齒子

羅定果名甘始齒落更生黃初平道號赤松子叱羊化石

樂更生○美甘始○莫飽額參軍○也○寧化赤松子○

鳳葵

色丹赤松子餌之三歲乘黃蚰入水得黃珠名銷疾

七月可烹○三年足用○若得乘地○何須吐鳳○

羊桃

產福州形甚詭異其實五瓣色青黃味酸久嚼微甘

花笑三廉

即羊桃也

實歌五子不偷小兒豈嗜狂士○

鴛鴦樹

蜀孟昶悅宮婢春燕同輿席末遭殺命合墓樹生花似鴛鴦交頸

慕交頸怨啼紅不泣鸞鸞

名月長招燕燕貞妾風

鷺鷥花

產雲南花如杜鵑白色梗透葉上一梗一花

帶風有致衣雪何從披蓑蠻服寄信蠶叢

蜀產杜鵑花

鮎魚鬚

漢陽蔬。獺祭取鮎作巫。李義山作多檢閱號獺祭魚

採吾蔬沽吾醺攤吾書掀吾鬚笑獺祭魚

老鼠花

此莖端花紫叢生長一二尺寧國山中多

風薰紫陌香竊黃昏休教憑社固蒂深根

蛇含草

昔田父見蛇被傷一蛇含草著傷處經日愈因取敷蛇傷驗

能○解○季○奴○草○何○美○隋○侯○璣○笑○田○父○
蛇名勝庸醫

雞骨樹

幹白如紫薇花紫單瓣三月開

帶○雪○骨○映○霞○光○薇○郎○如○相○對○也○勝○夜○談○窻○

孔雀花

葉類槐一莖數花花紅而不香有首尾重翅如鳥狀卽蘇木也又名金鳳

羽○翼○成○金○碧○共○分○明○孔○家○禽○莫○錯○薛○家○鳳○

玉雞苗

白薔薇也作架可觀

借○抱○璞○姿○作○登○天○想○滿○架○分○香○握○苗○助○長○

斑鱖笋

出建寧

角之美。鱖之鮮。水陸備。葷素兼。一味逃禪。

青牛樹

華陰嶽廟樹高三丈餘。鐵色無枝葉。與孔廟檜相似。有碑傳老子繫牛樹也。

幹不朽。檜並垂。櫟椒瞻紫氣。蚪蚪沒蒼碑。

牛名郭板丁櫟。

蜜橘

出武林小而甘。無核。庾亮獻橘十二實。共蒂為瑞。東坡嗜蜜。

無憂核鑽。且作清供。甘隨坡老。不獻庾公。

蜜萱

蜜色。不時開花。可食。甘蔗名石蜜。瑤池絳節。

何以樹之。北堂之悅。何以方之。瑤池之節。

文善野

